

57

HARVARD COLLEGE LIBRARY
FROM THE
HARVARD-YENCHING
INSTITUTE
OCT 1 1928

~~Ch L 9801.74~~

Ch L 9287.74

Ch L^R 9297/1184^T

冊府元龜



淮南李嗣京叅閱

西極文翔鳳訂正

豫章黃國琦較釋

宗室部

領鎮第四

後魏南安惠王禎景穆帝子孝文即位除涼州鎮都
大將尋以綏撫有能加都督西戎諸軍事征西大將
軍領護西城校尉儀同三司涼州刺史徵為都督大
官出為使持節侍中本軍開府長安鎮都大將雍州

刺史後以罪削除封爵以庶子歸第孝文南伐禎從至維及議遷都禎首從大計帝以禎既定遷都復封爵出爲鎮北大將軍湘州刺史

禎子獻武王英孝文時爲平北將軍武州鎮都大將假魏公未幾遷都督梁益寧三州諸軍事安南將領護西戎校尉仇池鎮都大將梁州刺史尋鎮荊州

英子文莊王熙自光祿勳除平西將軍東秦州刺史進號安西將軍尋以本將軍授湘州刺史

熙弟誘自衛尉少卿出爲右將軍南秦州刺史

英孫魯郡王肅莊帝初除散騎嘗侍出爲後將軍廣

州刺史後除衛將軍肆州刺史

城陽康王長壽景穆帝子自征西大將軍外都大官出爲沃野鎮都大將在鎮甚有威名

長壽子懷王鸞孝文時自外都大官出爲持節都督河西諸軍事征西大將軍領護西戎校尉涼州鎮都大將改鎮立州以鸞爲涼州刺史姑藏鎮都大將後除使持節征南大將軍都督豫荆郢三州河內山陽東郡諸軍事又除冠軍將軍河內太守輔并州刺史宣武初除平東將軍青州刺史轉安北將軍定州刺

史

鸞子文獻王徽孝明時除右將軍涼州刺史徽以經途阻遠固請不行除散騎嘗侍其年除後將軍并州刺史加安北將軍拜安西將軍秦州刺史詔書旦至夕發徽以府之秦部請詣闕恭授仍表啓固陳請不之職莊帝踐祚拜司州牧

徽弟顯恭為荊州刺史莊帝既殺爾朱榮乃除顯恭使持節都督晉建南汾三州諸軍事鎮西將軍兼尚書左僕射西北道行臺晉州刺史

安定靖王休景穆帝子孝文初庫莫奚寇邊以休為使持節侍中都督諸軍事征東大將軍領護東夷校

尉儀同三司和龍鎮將休撫防有方賊乃款附入為外都大官蠕蠕犯塞出為使持節征北大將軍撫其鎮大將

休子燮宣武初襲拜大中大夫除征虜將軍峯州刺史後為幽州刺史

燮弟末平為征虜將軍南州刺史

末平弟東萊王貴平莊帝時除平北將軍南湘州刺史廢帝時以本任官行青州事還除車騎將軍加散騎嘗侍出為青州刺史

章武王彬景穆帝孫繼章武敬王後出為使持節都

督東秦幽夏三州諸軍事鎮西大將軍西戎校尉統
萬鎮大將朔州刺史是時吐京胡反詔彬持節假比
平將軍行汾州事率并泗之衆往討之胡平仍除征
虜將軍汾州刺史

彬子融爲征虜將軍別將南討大摧梁衆于時楊州
刺史元嵩爲奴所害勅融行楊州事尋除假節征虜
將軍并州刺史又爲宗正卿以本官行瀛州事遇疾
不行未幾除散騎嘗侍東平將軍青州刺史還爲秘
書監遷撫軍將軍領河南尹

融弟東安王凝莊帝時除持節安東將軍兗州刺史

轉齊州刺史

樂陵密王思譽景穆帝孫繼樂陵康王胡兒後孝文
時爲征北大將軍北征大都將後除使持節本將軍
領護匈奴較尉中都督中軍都將出爲使持節鎮東
大將軍和龍鎮都大將營州刺史領護東夷較尉
思譽子惠王景畧宣武時襲封拜驍騎將軍除持節
冠軍將軍幽州刺史

景畧弟洪略爲中軍將軍行東雍州刺史

陽平莊王頤景穆帝孫白懷朔鎮大將除朔州刺史

景明六年薨於青州刺史

顧弟廣陵康侯衍爲梁州刺史轉徐州刺史卒於雍州刺史衍弟欽爲司州牧

濟陰王鬱景穆帝孫位開府爲徐州刺史

鬱弟之子靜王誕累遷濟州刺史

鬱弟麗字實掌宣武時拜雍州刺史遷蕪州刺史

汝陰威王逞景穆帝孫卒於齊州刺史

逞子慶和爲東豫州刺史

逞弟浣自元士稍遷營州刺史

浣弟脩義自元士爲齊州刺史又遷秦州雍州刺史

廣平文貞王康景穆帝孫繼廣平王維侯後宣武

親政除雒州刺史遷鎮州刺史後爲光祿大夫燕宗

正卿出爲兖州刺史又除平州刺史徙青州刺史尋

爲關右都督兼尚書行臺

安樂王長樂文成第二子獻文承明元年以大尉出

爲定州刺史

長樂子詮襲爵宣武初爲涼州刺史後除定州刺史

詮子鑿襲爵後除湘州刺史

齊郡王子琛繼河間王若後宣武時拜定州刺史孝

明時爲都官尚書出爲秦州刺史

安豐王猛文成第六子孝文太和中加侍中出爲鎮

都大將營州刺史

猛子延明襲爵孝明時爲豫州刺史遷都督徐州刺史

歲陽王禧獻文第二子孝文太和中自侍中驃騎大將軍中都大官出爲使持節開府冀州刺史孝文餞於南郊後禧朝京師將還州孝文親餞之賦詩叙意加禧都督冀相兗東兗南豫東荆六州諸軍事有司奏冀州人蘇僧瓘等三千人稱禧清明有惠政請世胖冀州詔曰利建雖古未必今宜經野繇君埋非下請邑采之封自有別式入除司州牧都督司豫荆鄆

維東荆六州諸軍事開府如故

趙郡王幹獻文第三子孝文太和中自車騎將軍左光祿大夫領吏部尚書拜使持節都督南豫鄆東荆三州諸軍事征南大將軍開府豫州刺史及帝南伐以幹爲使持節車騎大將軍都督關右諸軍事給銅虎符十別賜詩書尋除都督冀定瀛三州諸軍事征東大將軍冀州刺史開府如故後轉特進司州牧幹子謐自太子中庶子出爲冠軍將軍岐州刺史以罪罷州還除大司農卿又除散騎嘗侍平北將軍幽州刺史

領鎮四
謚兄諶累遷役將軍泗州刺史固辭不拜後爲黃門
侍郎進號安國將軍光祿大夫出爲散騎嘗侍中軍
將軍湘州刺史

諶弟譚自羽林監出爲高陽太守爲政嚴斷孝明初
入爲直閣將軍遷光祿少卿行南兗州事除征虜將
軍涇州刺史又爲安西將軍秦州刺史

廣陵王羽獻文第五子孝文遷都之後北蕃入夷多
有未悟羽鎮撫代京內外肅然及車駕南伐羽進號
衛將軍除使持節都督青齊光南青四州諸軍事征
東大將軍開府青州刺史孝明即位遷司州牧

羽子欣孝明時自通直散騎嘗侍北中郎將出爲冠
軍將軍荊州刺史轉征虜將軍齊州刺史欣在二州
頗得人和出帝時加大師開府襲封廣陵太傅司州
牧

高陽王雍獻文子孝文太和中自散騎嘗侍除使持
節鎮北將軍湘州刺史嘗侍如故宣武初遷使持節
都督冀湘瀛三州諸軍事征北大將軍開府冀州刺
史雍在二州微有聲稱又拜驃騎大將軍司州牧
雍子端自散騎嘗侍出爲安東將軍青州刺史時梁
武遣將寇逼徐揚除端撫軍將軍金紫光祿大夫使

持節東南道大使處分軍機事平拜鎮軍將軍兗州刺史

端弟誕孝靜初拜侍中車騎大將軍儀同三司司州牧

北海王詳獻文子孝文太和中累加侍中秘書監趙群王幹薨以詳行司州牧

詳子顥自都官尚書出除散騎嘗侍撫軍將軍徐州刺史尋爲御史彈奏除名其後賊帥宿散明達叱干麒麟等寇亂幽華諸州乃復顥王爵以本將軍加使持節假征西將軍都督華幽東秦諸軍事兼左僕射

西道行臺以功進號征西將軍爲侍中驃騎大將軍開府儀同三司相州刺史顥弟頊自黃門侍郎出除平北將軍相州刺史

彭城王勰獻文子孝文太和中從征河北除使持節都督南征諸軍事中軍大將軍開府孝明時爲使持節侍中都督冀定幽瀛營安平七州諸軍事驃騎大將軍開府定州刺史又以本官領揚州刺史

勰子劼起家宗正少卿除使持節假散騎嘗侍平東將軍青州刺史

劼子韶襲爵武定末爲司州牧

劭兄子直累遷給事黃門侍郎出為冠軍將軍梁州刺史

京兆王愉孝文子大和末拜都督徐州刺史宣武初為護軍將軍遷中書監出為冀州刺史

北齊平秦王歸彥神武族子武成時為司徒威權振主乃拜太宰冀州刺史

任城王湝神武子武平初遷大師司州牧出為冀州刺史加太宰遷右丞相都督青州刺史

隋義城公處綱高祖族父開皇中以右領軍將軍出拜蒲州刺史吏民悅之進位大將軍遷秦州總管

滕穆王瓚高祖母弟開皇初拜雍州牧

瓚子倫開皇初拜邵州刺史

衛昭王爽高祖異母弟開皇中拜雍州牧累遷左領

軍大將軍權領并州總管轉梁州總管所治甚有聲

河間王弘高祖從祖弟開皇初自右衛大將軍出拜

寧州總管後數載還京未幾拜蒲州刺史得以便宜

從事每晉王入朝弘輒領揚州總管晉王歸藩復還

蒲州在官十餘年風教大治

弘子嗣郇王慶累遷柴陽郡太守頗有治績

泰孝王俊高祖第三子開皇二年拜桂國河南道行

臺尚書令雒州刺史三年遷秦州總管隴州諸州盡隸焉平陳之後楊州總管一十四州諸軍事頗有令聞高祖聞而大悅降璽書獎勵焉

荀王秀高祖第四子開皇元年拜益州刺史總管二
十四州諸軍事十二年入爲內史令右領軍大將軍
尋復出鎮於蜀

漢王諒高祖第五子開皇十二年爲雍州牧累加左
衛大將軍十七年出爲并州總管帝幸溫湯而送之
自山以東至於滄海南抵黃河五十二州盡隸焉特
許以便宜不拘律令

蔡王智積高祖弟整之子開皇初襲王爵加開府儀
同三司授同州刺史儀衛資送甚盛二十年徵還大
業七年授弘農太守觀德王雄高祖族子大業中簡
較鄭州刺史歲餘授懷州刺史尋拜京兆尹

唐永安王孝基高祖從父弟武德初拜陝州總管
廬江王瑗高祖從父兄子武德元年拜信州總管九
年累遷幽州大都督

襄邑王神符高祖從父弟武德四年累遷并州總管
九年遷揚州大都督

魏郡公文暕神符少子也歷幽州都督

膠東公道彥高祖從父弟神通之子武德中授隴州刺史貞觀初轉湘州都督後遷岷州都督

吳國公孝逸道彥之弟高宗末爲益州大都督府長史光宅初爲左王鈐衛大將軍揚州行軍大總管

郇國公孝協高祖從父弟叔良之子貞觀中累遷魏州刺史

孝斌孝協弟官至原州都督府長史

襄武王琛高祖從父兄安之子武德中歷蒲絳二州總管及宋金剛陷滄州時稽胡多叛轉琛爲隰州總管以鎭之

河間王孝恭琛之弟也武德二年授信州總管三年以平蕭銑功遷荊州大總管又以平輔公祐功拜揚州大都督貞觀初除觀州刺史與長孫無忌等代襲刺史

孝恭弟齊北郡公瑊武德中爲始州刺史大行皇帝瑊弟漢陽公環武德中代孝恭爲荊州都督貞觀四年拜宜州刺史

譙國公崇義孝恭子也歷蒲同二州刺史益州大都府長史甚有威名

崇義弟晦乾封中累除營州都督以善政聞

淮陽王道玄高祖從父兄子也武德中從太宗討王世充東都平拜雒州總管及府廢改授雒州刺史

武都郡王道明道玄之弟也卒於鄆州刺史

江夏王道宗道玄從父弟也武德五年授靈州總管

貞觀元年徵拜鴻臚卿大將經略突厥入拜靈州都

督十二年坐贓免十三年起爲茂州都督未行轉晉

州刺史

廬國公子景嘗道宗子也官至湘州刺史

渤海王奉慈高祖兄子高宗顯慶中累遷原州都督

巢王元吉高祖子武德元年授并州總管并州爲劉

武周所陷元吉拜稷州刺史六年加隰州總管

荆王元景高祖第六子武德八年授安州都督貞觀

初遷雍州牧十年授荊州都督久之轉鄜州刺史

漢王元昌高祖第七子也貞觀五年授華州刺史轉

梁州刺史

鄆王元亨高祖第八子也貞觀二年拜金州刺史

徐王元禮高祖第十子也貞觀六年授鄭州刺史遷

徐州都督十七年轉絳州刺史末徵四年加司徒兼

潞州刺史

韓王元嘉高祖第十一子也貞觀六年授潞州刺史

册府元龜

宗室部

卷之三百八十一

十二

十年加本州都督高宗末轉澤州刺史太后臨朝授
定州刺史

武陵郡王誼元嘉之次子也官至濮州刺史

彭王元則高祖第十二子也貞觀七年授豫州刺史
十年除遂州都督十七年拜澧州刺史

鄭王元懿高祖第十三子也貞觀七年授兗州刺史
歷鄭潞絳三州刺史

嗣鄭王敬元懿之子也官至鄂州刺史

霍王元軌高祖第十四子也貞觀元年拜壽州刺史

十年授絳州刺史尋轉徐州刺史二十三年爲定州

刺史垂拱初自司徒出爲湘州刺史轉青州刺史子

緒爲金州刺史

號王鳳高祖第十五子也貞觀七年授鄧州刺史歷

號豫青三州刺史

平陽郡王翼鳳之長子也官至光州刺史

定襄郡公宏鳳第三子也則天初爲曹州刺史

東莞郡公融鳳第五子也垂拱初爲申州刺史

道王元慶高祖第十六子也貞觀九年拜趙州刺史

十年授豫州刺史永徽四年歷滑徐沁衛四州刺史

臨淮王誘元慶之子也爲澧州刺史

誘弟詢為壽州刺史

鄧王元裕高祖第十七子也貞觀中歷鄧梁黃三州

刺史高宗時又歷壽襄二州刺史兗州都督

舒王元名高祖第十八子貞觀十一年拜壽州刺史

後歷許滑宋三州轉石州刺史在州二十年垂拱年

除青州又除鄭州轉滑州刺史

豫章王亶元名子也為江州刺史

魯王靈蕞高祖第十九子貞觀十年授幽州都督十

四年授兗州都督末徽六年轉隆州刺史後歷襄絳

滑定等州刺史垂拱元年授邢州刺史

嗣魯王道堅靈蕞孫也歷果龍吉異洛汾滄等七州

刺史開元二十二年簡較魏州刺史未行改汴州刺

史

江元王祥高祖第二十子也貞觀十一年授蘇州刺

史高宗時歷金鄜鄭三州刺史

永嘉王暉元祥之子末隆中為復州刺史

密王元曉高祖第二十一子也貞觀九年授虢州刺

史二十三年轉潞州刺史末徽中歷宣徐二州刺史

滕王元嬰高祖第二十二子也貞觀十五年授金州

刺史末徽中遷蘇州刺史尋轉洪州都督歷壽隆二

州刺史梁州都督

吳王恪太宗子武德二年授益州大都督以年幼不
之官貞觀十二年授安州都督高宗即位拜梁州都
督

成王千里恪長子也初名仁末昌元年授襄州刺史
後改名千里歷唐廬許衛蒲五州刺史神龍初拜左
金吾大將軍兼領益州大都督領廣州大都督五府
經略安撫大使

張掖郡王琨仁之弟也則天朝歷淄衛宋鄭梁幽六
州刺史

信安郡王禘琨之子也景雲元年爲德蔡備等州刺
史開元後轉蜀漢等州刺史丁母憂起復授瀛州刺
史十五年服除授朔方節度副大使知節度事尋遷
節度使坐事出爲衢州刺史歷滑懷二州刺史
嗣吳王祗禘之弟也天寶中爲陳留太守持節充河
南道節度採訪使

濮王泰太宗第四子也貞觀二年授揚州大都督七
年轉鄜州大都督並不之官除雍州牧十年遷領湘
州都督

齊王祐太宗第五子貞觀初授幽州都督遷齊州都

督

蜀王愔太宗第六子貞觀七年授襄州刺史十年轉益州都督十三年除岐州刺史

將王暉太宗第七子貞觀八年授洛州刺史十年拜安州都督永徽三年除梁州都督後歷遂湘二州刺史

越王貞太宗第八子貞觀七年授徐州都督十年除揚州都督十七年轉相州刺史永徽四年授安州都督咸亨中復轉相州刺史則天臨朝除蔡州刺史琅邪王冲貞長子也歷密濟博三州刺史

紀王慎太宗第十子貞觀七年授秦州都督十七年遷襄州刺史永徽元年拜左衛將軍二年授荊州都督累除邢州刺史文明元年轉貞州刺史

嗣紀王澄慎少子也歷德瀛冀三州刺史

趙王福太宗第十二子貞觀十八年授秦州都督二十三年累除梁州都督

曹王明太宗第十四子也顯慶中授梁州都督後歷虢蔡蘇三州刺史

燕王忠高宗長子永徽元年拜雍州牧顯慶元年廢忠爲梁王授梁州都督其年轉房州刺史

原王孝高宗第二子也未徽三年拜并州都督顯慶三年累除遂州刺史

澤王上金高宗第三子也未徽三年遥授益州大都督乾封元年累轉壽州刺史有罪免削至永隆二年

二月為汴州刺史文明元年為蘇州刺史垂拱元年改陳州刺史永昌元年為遂州刺史

許王素節高宗第四子未徽中自雍州收轉岐州刺史被讒出為申州刺史未隆元年轉岳州刺史累除

舒州刺史

鄒王宇禮章懷太子次子也睿宗景雲二年為光祿

卿無幽州刺史轉左金吾衛大將軍遥領單于大都

護開元初歷虢隴襄晉滑等六州刺史

漢中王瑀讓皇帝之次子也玄宗幸蜀加漢中郡大守

樣王琰玄宗第四子也開元十五年遥領太原牧太原已北諸軍節度大使天寶元年六月遥領兼武威

郡都督河西隴右經略節度大使

鄂王瑝玄宗第五子也開元十二年遥領幽州都督河北道節度大使

光王琚玄宗第八子也開元十二年遥領廣州都督

五府經略大使

儀王璿玄宗第十二子也開元十五年授河南牧

穎王璿玄宗第十三子也開元十五年遙領安東都

護平盧軍節度大使安祿山叛除蜀郡都督劍南節

度大使

永王璘玄宗第六子也開元十五年遙領荊州大都

督天寶十五載六月玄宗幸蜀至漢中郡下詔以璘

爲山南東路及領南黔中江南西路四道節度採訪

等使江陵大都督

壽王瑁玄宗第十八子也開元十五年遙領益州大

都督劍南節度大使

延王汾玄宗第二子也開元十五年遙領安西大

都護磧西節度大使

盛王琦玄宗第二十一子也開元十五年遙領揚州

大都督及玄宗幸蜀在路除琦爲廣陵大都督仍領

江南東路及淮南河南等路節度支度採訪等都使

豐王珙玄宗第二十六子也玄宗幸蜀至扶風郡授

琪武威郡都督仍領河西隴右安西北庭等路節度

採訪都使琪竟不行

彭王儆肅宗第五子也至德三年除碯允河東節度

大使

兗王儁肅宗第六子也乾元三年領河北節度大使

涇王元肅宗第七子也乾元三年領隴右節度大使

睦王述代宗第三子大歷十年二月詔允領南節度

使營田五府經略觀察處置等大使

丹王逾代宗第五子大歷十年二月詔嶺渭北鄜坊

節度大使

滯王迴代宗第七子大歷十二年二月除汴宋等節

度觀察處置等大使

鄜王造代宗第十三子大歷十二年二月除昭義軍

節度觀察處置等大使

舒王誼代宗第三子昭清太子邈之子也建中元年

領四鎮北庭行軍涇節度大使三年詔為揚州大都

督持節涇襄江西沔鄂等道節度兼諸軍行營兵馬

元帥

通王諶德宗第三子貞元九年十月領宣武軍節度

大使汴宋等州觀察度支營田等使王不出閣十一

年為河東節度大使亦不出閣

虔王諒德宗第四子貞元二年領蔡州節度大使申

光蔡觀察等使十年領朔方靈塩節度大使靈州大

都督十一年十月以諒領橫海節度大使滄景觀察
等使王不出閤十六年以諒領徐州節度大使徐濠
觀察處置等使

建王恪本名審憲宗第七子也元和元年八月授開
府儀同三司鄆州大都督充平盧軍淄青等州節度
營田觀察處置陸運海軍押新羅渤海兩蕃等使

果郝五友裕太祖長子也唐昭宗景福中太祖令權
知許州乾寧二年加簡較司空尋爲武寧軍節度留
後四年太祖下東平改天平留後加簡較司徒光啓
元年再領許州天復初爲奉天軍節度留後太祖無

鎮河中以友裕爲護國軍節度留後尋遷華州節度
使加簡較太保興德尹

廣王金昱太祖長兄也庶人篡位授宋州節度使

惠王友能全昱第二子也未帝時鎮陳州

邵王友誨全昱第三子也未帝時鎮陝州

後唐睦王存父莊宗異母弟也同光中歷鄆州節度
使

魏王繼岌莊宗子也莊宗即位於魏州以繼岌充北
都留守及以鎮州爲北都又命爲留守

秦王從榮明宗第二子也明宗踐祚天成初授鄴都

册府元龜 領鎮四
留守天雄軍節度使三年移北京留守充河東節度使四年入爲河南尹

末帝長子重吉閔帝嗣位出爲亳州團練使

州 晉高祖幼子重睿開運二年領秦州二年春移領許州

廣王敬威之弟熲高祖從父弟也帝即位遥領忠州

刺史天福中歷曹州防禦使河陽節度使開運二年

九月出鎮鄧州

韓王暉高祖從弟也天福二年遥授濠州刺史遷曹

州防禦使

漢高祖建號晉陽以弟崇爲特進簡較太尉行太原

尹漢祖將南幸以崇爲北京留守尋加同平章事

蔡王信高祖之從弟也國初爲侍衛馬軍都指揮使

兼義成軍節度使尋移鎮許州

册府元龜卷終

册府元龜 宗室部 頁真四

卷之三百八十一

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜 卷之二

冊府元龜

淮南李嗣京參閱

冊府元龜

淮南李嗣京參閱

西極文翔鳳訂正

豫章黃國琦較釋

宗室部

承襲

傳有世及之訓詩著似續之義自成周列爵大封同
姓傳祚撫封與國升降者有之矣其事見於春秋傳
及太史公世家銓次所屬本乎列國秦并天下子弟
為匹夫漢矯其失廣樹藩戚或象賢濟美聯輝奕葉

或推恩繼絕纂緒傳世魏晉而下何莫繇斯蓋所以
隆親親以興仁資繩繩而流詠使其枝葉扶疎以大
庇本根犬牙相錯以來輔王室者也

漢燕王澤高祖從昆弟也孝文二年薨謚曰敬王子
康王嘉嗣九年薨子定國嗣定國有罪自殺國除哀
帝時繼絕世乃封敬王澤玄孫之孫無終公士歸生

為營陵侯無終其所屬縣也公士第一爵歸生名也

楚元王交高祖同父少弟立二十三年薨太子辟非
先卒辟非者猶辟邪兵之類也先卒者元王未薨之時已卒也文帝乃以宗正上

邳侯邳客嗣邳客元王次子是為夷王邳客立四年薨子戊

嗣二十一年戊反誅景帝立宗正平陸侯禮為楚王

禮元王子奉元王後是為文王四年薨子安道嗣二十二

年薨子襄王汴嗣十四年薨子節王純嗣十六年薨

子延壽嗣

休侯富楚元王子封六年薨子懷侯登嗣一年薨子

敬侯嘉嗣二十四年薨子哀侯章嗣

沈猷夷侯歲楚元王子封二十年子受嗣

棘樂敬侯調楚元王子封十六年薨子恭侯應嗣十

五年薨子慶嗣

浮丘節侯不害楚安王子封十一年薨子霸嗣

城陽侯德楚元王曾孫昭帝時為宗正地節中以親
 親行謹封為陽城侯立十一年子向坐鑄僞黃金當
 伏法德上書訟罪會薨大鴻臚奏德訟子罪失大臣
 體不宜賜謚置嗣制曰賜謚繆侯為制嗣傳至孫慶
 忌復為宗正太嘗薨子參嗣為諸曹中郎將列較尉
 至大嘗薨傳子至王莽賧房絕

趙幽王友高祖諸姬所生也高后時幽死及孝文即
 位立幽王子遂為趙王

河間文王辟疆趙幽王子孝文二年立十三年薨子

哀王福嗣

齊悼惠王肥高祖微時外婦所生也立十三年薨子
 大襄嗣是為哀王十一年薨子文王則嗣十四年薨
 無子國除孝文十六年乃分齊為六國盡立前所封
 悼惠王子列侯見在者為王以楊虛侯將閭為齊王
 安都侯志為濟北王武成侯賢為淄川王白石侯雄
 渠為膠東王平昌侯卬為膠西王勃侯辟光為濟南
 王孝景三年吳楚反齊王狐疑城守不聽反間漢以
 齊初與三國有謀欲移兵伐齊齊孝王懼飲藥自殺
 而膠東膠西濟南淄川王皆伏誅國除獨濟北王在
 齊孝王之自殺也景帝聞之以為齊首善

言其初首
無逆亂之

心以迫劫有謀非其罪也召立孝王太子壽是為懿

王二十三年薨子厲王次昌嗣

管共侯罷軍齊悼惠土子封二年薨子戎奴嗣

氏共丘侯寧國齊悼惠王子封十一年薨子偃嗣

管平侯信都齊悼惠王子封十年薨子廣嗣

楊兵共侯安齊悼惠王子封十二年薨子偃嗣

博陽頃侯就齊孝王子就薨子終古嗣

被楊敬侯燕齊孝王子封十三年薨子棟侯偃一十

八年薨子頃侯壽嗣壽薨子孝侯定嗣定薨節侯閔

嗣閔薨子廣嗣

定敷侯越齊孝王子封十三年薨子思侯德嗣二十

四年薨子憲侯福嗣福薨子共侯湯嗣湯薨子定侯

乘嗣

稻夷侯定齊孝王子定薨子簡侯陽都嗣陽都薨子

戴侯咸嗣三十二年薨子頃侯閔嗣薨子水嗣

山原侯國齊孝王子封二十七年薨子康侯棄嗣十

四年薨子安侯守嗣二十二年薨子發嗣發薨孝侯

外人嗣

繁安夷侯忠齊孝王子封十八年薨子安侯守嗣守

薨子節侯壽漢嗣壽漢薨子頃侯嘉嗣嘉薨孝侯光

嗣光薨子起嗣

柳康侯陽已齊孝王子陽已薨子敷侯罷師嗣罷師
薨子于侯自爲嗣自爲薨子安侯攜嗣攜薨子膠侯
軻嗣軻薨子守嗣

雲夷侯信齊孝王子封十四年薨子茂發嗣茂發薨
子康侯遂嗣遂薨子釐侯終古嗣終古薨子得之嗣
牟平共侯濞齊孝王子封五年薨子節侯奴嗣三十
一年薨子敬侯東生嗣二十年薨子康侯建嗣一年
薨子孝侯懿嗣懿薨子釐侯威嗣威薨子隆嗣
崇原侯代齊孝王子封三十四年薨子節侯勝之嗣

二十三年薨子敬侯賢嗣賢薨子恭侯莫如嗣

城陽景王章齊悼惠王子孝文二年立二年薨子共
王喜嗣孝文十二年徙王淮南五年復還王城陽凡
立三十四年薨子頃王延嗣二十六年薨子敬王義
嗣九年薨子惠王武嗣十年薨子荒王順嗣三十六
年薨子戴王恢嗣八年薨子孝王景嗣二十四年薨
子哀王雲嗣一年薨無子國絕成帝末始元年以雲
弟俚紹封

壁節侯壯城陽共王子封三年薨子明嗣

騶丘敬侯寬城陽共王子封六年薨子原侯報德嗣

報德薨子毋害嗣

南城節侯貞城陽共王子封三十二年薨子戴侯猛

嗣二十二年薨子元侯尊嗣二年薨子釐侯元國嗣

元國薨子頃侯遂嗣遂薨子友嗣

廣陵虜侯裘城陽共王子封七年薨子成嗣

虜葭康侯澤成陽頃王子封六十二年子夷侯舞嗣

舞薨子頃侯閣嗣閣薨孫末嗣

扶釐侯霸城陽頃王子封三十五年薨子夷侯戚嗣

二十一年薨子節侯賢嗣賢薨子頃侯思嗣思薨子

侯衆嗣

甄節侯復息城陽頃王子封五十五年薨子質侯守

嗣

虛水康侯禹城陽頃王子奉封三十八年薨子息侯

爵嗣七年薨子敵嗣

菑川王志齊悼惠王子孝文十六年立為濟北王孝

成四年徙王菑川元朔中齊國絕悼惠王後唯有二

孤城陽菑川菑川地比齊

比近也

武帝為悼惠王家園

邑齊乃創臨菑東園悼惠王家園邑盡以予菑川令

王祭祀志立三十六年薨是為懿王子靖王建嗣二

十年薨子頃王遺嗣三十五年薨子思王終古嗣二

十八年薨子考王尚嗣五年薨子孝王橫嗣三十一年薨子懷王交嗣六年薨子求嗣

劇原侯錯菑川懿王子封十七年薨子孝侯廣昌嗣
廣昌薨子戴侯胥嗣胥薨子質侯吉嗣吉薨子節侯
囂嗣囂薨子勝容嗣

懷昌夷侯高遂菑川懿王子封二年薨子胡侯延年
嗣延年薨子節侯勝時嗣勝時薨子可置嗣

平望夷侯賞菑川懿王子封七年薨子原侯楚人嗣
二十四年薨子敬侯光嗣十四年薨子頃侯起嗣起
薨子孝侯均嗣均薨子旦嗣

臨衆敬侯始昌菑川懿王子封十一年薨子康侯肇

生嗣十八年薨子頃侯廣平嗣廣平薨子原侯農嗣
農薨子節侯理嗣理薨子盭侯賢嗣賢薨子商嗣
葛魁節侯寬菑川懿王子封八年薨子戚嗣

益都敬侯胡菑川懿王子胡薨子原侯廣嗣廣薨子
嘉嗣

平的戴侯強菑川懿王子封十七年薨子思侯忠時
嗣三十年薨子節侯福嗣十三年薨子頃侯鼻嗣鼻
薨子盭侯利親嗣利親薨子宣嗣

劇魁夷侯黑菑川懿王子封十七年薨子思侯招嗣

三年薨子康侯德嗣德薨子孝侯利親嗣利親薨子
釐侯嬰嗣嬰薨子向嗣

平度康侯行菑川懿王子封三十七年薨子節侯慶
忌嗣三年薨子質侯帥軍嗣帥軍薨子頃侯欽嗣欽
薨子孝侯宗嗣宗薨子嘉嗣

宜城康侯偃菑川懿王子封十一月薨子福嗣

臨朐夷侯奴菑川懿王子封四十一年薨子戴侯乘
嗣乘薨子節侯賞嗣賞薨子孝侯信嗣信薨子安侯
禘嗣禘薨子岑嗣

隆元侯何菑川靖王子何薨子原侯賈嗣賈薨子延

壽嗣

廣饒康侯國菑川靖王子封伍十年薨子共侯坊嗣
十四年薨子麟嗣

餅敬侯成菑川懿王子封三十四年薨子頃侯龍嗣
五十年薨子原侯融嗣融薨子閔嗣

俞閭煬侯毋害菑川靖王子封四十四年薨子原侯
况嗣十二年薨子隣嗣

淮南厲王長高帝少子孝文六年以謀反廢死八年
帝憐王有子四人年皆七八歲乃封子安爲阜陵侯
子勃爲安陽侯子賜爲周陽侯子良爲東城侯十六

年帝憐淮南王廢法不軌自使失國早夭乃立厲王
三子王淮南故地三分之阜陵侯安為淮南王

濟北貞王勃淮南厲王子孝文十六年封為衡山王
孝景四年徙濟北一年薨子式王胡嗣五十四年薨
子寬嗣

陰安康侯不害濟北貞王子封十一年薨子哀侯秦
峇嗣

周望康侯何濟北貞王子封八年薨子當時嗣
陪繆侯則濟北貞王子封十一年薨子邑嗣

安陽侯樂樂濟北貞王子封三十年薨子棟侯延年

嗣十七年薨子康侯記嗣十五年薨子安侯威嗣威

薨子哀侯得嗣

羽康侯成濟北夫王子封六十年薨子共侯係嗣係

薨子棄嗣

德哀侯廣高帝兄子封七年薨子頃侯通嗣二十四

年薨子康侯斲嗣二十四年薨子何嗣

梁孝王武文帝子立四十五年薨子共王賈嗣四十

年薨子平王襄嗣襄立四十年薨子薨頃王無傷嗣

十一年薨子敬王定國嗣三十年薨子夷王遂嗣六

年薨子荒王嘉嗣十五年薨子立嗣二十七年有罪

自殺國除後王莽白太皇太后立孝王玄孫之曾孫沛郡卒史音為梁王奉孝王後

張梁哀侯仁梁共王子封十三年薨子順嗣

代孝王參文帝子立七年薨子共王登嗣二十九年

薨子義嗣元鼎中漢廣開以嘗山為阻依山以徙代為開

王於清河是為剛王并前在代元立四十年子頃王

勃嗣二十四年薨子年嗣年坐事立三年國除元始

二年親都侯王莽白太皇太后立年弟子如意為廣

宗王奉代王後

和昌康侯嘉代共王子封五十一年封子戴侯樂嗣

十二年薨子頃侯萬世嗣萬世薨子節侯光祿嗣光

祿薨子刺侯殷嗣殷薨子換嗣

河間獻王德景帝子二十七年薨子共王不周嗣西

年薨子剛王基嗣十二年薨子頃王綏嗣十七年薨

子孝王慶嗣四十二年薨子元嗣十七年坐殺國廢

建始元年正月立故河間王弟上郡庫令良為河間

王二十七年薨子尚嗣

距陽憲侯句河間獻王子封十四年薨子淩嗣

萸節侯退河間獻王子封十六年薨子嬰嗣二十二

年薨子釐侯益壽嗣二十九年薨子安侯克嗣三十

三年薨子遺嗣

阿武戴侯豫河間獻王子封二十四年薨子敬侯宣

嗣二十年薨子節侯侯嗣二十三年薨子登侯嬰嗣

嬰薨子頃侯黃嗣黃薨子長父嗣

參戶節侯免河間獻王子封四十六年薨子敬侯嚴

嗣嚴薨子頃侯元嗣元薨子孝侯利親嗣利親薨子

度嗣

州鄉節侯禁河間獻王子封七年薨子思侯齊嗣齊

薨子憲侯惠嗣惠薨子登侯商嗣商薨子共侯伯嗣

伯薨子禹嗣

魯共王餘景帝子立二十八年薨子安王光嗣四十

年薨子孝王慶忌嗣二十七年薨子頃王勁嗣二十

八年薨子文王俊嗣亡後建平三年六月以頃王子

部卿侯閔紹封

廣戚侯將節魯共王子將節薨子始嗣

公丘夷侯順魯共王子封三十年薨子康侯置嗣置

薨子煬侯延壽嗣九年薨子思侯賞嗣賞薨子元嗣

瑕丘節侯政魯共王子封五十三年薨子思侯國嗣

四年薨子孝侯湯嗣十六年薨子煬侯奉義嗣奉義

薨子登侯遂成嗣遂成薨子禹嗣

江都易王非景帝子立二十九年薨子建嗣以罪國除絕百二十年平帝時王莽秉政興滅繼絕立建弟盱眙侯子宮爲廣陵王奉易王後

胡孰頃侯胥江都易王子封十六年薨子聖又嗣

趙敬肅王彭祖景帝子立六十三年薨子昌嗣初彭祖取江都易王寵姬王建所姦淖姬者甚愛之生一男號淖子彭祖以征和元年薨時淖姬兄爲漢闕者武帝召問淖子何如對曰爲人多欲帝曰多欲不宜君國子民間武始侯昌曰無咎無譽帝曰如是可矣遣使者立昌是爲頃王十九年薨子懷王尊嗣五年

薨無子絕二歲宣帝立尊弟高是爲哀王數月薨子

兵王充嗣五十六年薨子隱嗣

平干頃王偃趙敬肅王小子立十四年薨子繆王元

嗣

尉文節侯丙趙敬肅王子封五日薨子侯犢嗣

封斯戴侯胡傷趙敬肅王子封二十五年薨子原侯

如意嗣三十二年薨子孝侯官嗣官薨子仁嗣

朝節侯義趙敬肅王子封十三年薨子戴侯祿嗣祿

薨子固城嗣

象氏節侯賀趙敬肅王子封十八年薨子思侯安意

嗣二十八年薨子康侯千秋嗣十六年薨子鄧嗣
易安侯平趙敬肅王子封二十年薨子康侯種嗣種
薨子得嗣

柏暢戴侯終古趙敬肅王子終古薨子朱嗣

粟節侯樂趙敬肅王子封二十七年薨子煬侯忠嗣

忠薨子質侯終根嗣終根薨子况嗣

洩夷侯周舍趙敬肅王子周舍薨子節侯廼始嗣廼

始薨子哀侯勳嗣勳薨子文承嗣

虢節侯起趙敬肅王子封十三年薨子夷侯克國嗣

二十年薨子共侯廣明嗣廣明薨子螳侯固嗣固薨

子巨嗣

榔裴戴侯道趙敬肅王子封十二年薨子哀侯尊嗣

尊薨子頃侯章嗣章薨子澧侯景嗣景薨子發嗣

中山靖王勝景帝子立四十三年薨子哀昌嗣一年

薨子康王昆後嗣二十一年薨子頃王輔嗣四年薨

子憲王福嗣十七年薨子懷王循嗣十五年薨無子

絕四十五歲成帝鴻嘉二年復立憲王弟孫利卿侯

子雲客是為廣得夷王二年薨無子絕十四歲哀帝

復立雲客弟廣漢為廣平王薨無後平帝元始二年

復立廣川惠王曾孫倫為廣德王奉靖王後

廣望節侯忠中山靖王子封四十年薨子頃侯中嗣
十三年薨子思侯何齊嗣何齊薨子共侯遂嗣遂薨

子閣嗣

臨樂敷

古穆字

侯光中山靖王子封二十年薨子憲侯

建嗣建薨子列侯固嗣固薨子節侯萬年嗣萬年薨

子廣都嗣

東野戴侯章中山靖王子章薨子中時嗣

乘丘節侯將夜中山靖王子封十一年薨子戴侯德

嗣德薨無子外人嗣

柳宿夷侯盖中山靖王子封四年薨子蘇嗣

樊輿節侯脩中山靖王子封三十六年薨子煬侯過

倫嗣過倫薨子思侯異衆嗣異衆薨子頃侯土生嗣

土生薨子白子嗣

安郭子侯傳富中山靖王子傳富薨子釐侯偃嗣偃

薨子崇嗣

長沙定王發景帝子立二十八年薨子戴王庸嗣二

十七年薨子頃王鱗嗣十七年薨子刺王建德嗣

三十四年薨子煬王旦嗣二年薨無子絕歲餘元帝

初元三年復立旦弟宗是為孝王五年薨子魯人嗣

三十八年薨子舜嗣

安城思侯蒼長沙定王子封十二年薨子節侯自當
嗣自當薨子壽光嗣

夫夷敬侯義長沙定王子封十二年薨子節侯禹嗣
五十八年薨子頃侯奉宗嗣奉宗薨子釐侯慶嗣慶
薨子懷侯福嗣福薨子商嗣

春陵節侯買長沙定王子封四年薨子戴侯熊渠嗣
五十六年薨子孝侯仁嗣仁薨子敞嗣

都渠敬侯定長沙定王子封八年薨子頃侯倭嗣倭
薨子原侯順懷嗣順懷薨子煬侯容嗣容薨無子他

人嗣

衆陵節侯賢長沙定王子封五十年薨子戴侯其定

嗣二十一年薨子頃侯慶嗣慶薨子晉嗣

安衆康侯月長沙定王子封三十年薨子節侯山拊

嗣三十九年薨子繆侯毋妨嗣毋妨薨子釐侯褒嗣

褒薨子歆嗣歆薨子崇嗣爲王莽所滅建武二年以

崇從父弟麗紹建武十三年子松嗣

廣川惠王越景帝子立十三年薨子繆王齊嗣四十

四年薨初齊坐誣告中尉有司劾大不敬請繫治齊

恐上書願與廣川勇士奮擊匈奴上許之未發病薨

有司奏請除國奏可後數月下詔曰廣川惠王於朕

為兄朕不忍絕其宗廟其以惠王孫去為廣川王去
即繆王太子也二十三年以罪國除後四歲宣帝地
節四年復立去兄文是為戴王文素正直數諫王去
故帝立焉二年薨子海陽嗣耳露四年以罪國除後
十五年平地元始二年復立戴王弟襄隄侯子湍為
廣得王奉惠王後二年薨子赤嗣

膠東康王寄景帝子立二十八年薨武帝聞寄有長
子賢毋無寵少子慶毋愛幸寄嘗欲立之為非次因
有過遂無所言帝憐之立賢為膠東王奉康王祀而
封慶為六安王故衡山地膠東王賢立十五年薨謚

為哀王子戴王通平嗣二十四年薨子頃王音嗣五

十三年薨子共王授嗣十四年薨子殷嗣

六安共王慶膠東康王子至三十八年薨子夷王祿

嗣十年薨子膠王定嗣二十二年薨子頃王光嗣

十七年薨子育嗣

阜虞煬侯建膠東康王子封九年薨子康侯定嗣十

四年薨子節侯哀嗣哀薨子登侯勳嗣勳薨子頌侯

顯嗣顯薨子藥嗣

魏其煬侯昌膠東康王子封十七年薨子原侯傳充

嗣三十三年薨子孝侯禹嗣禹薨子質侯嶠嗣嶠薨

子嘉嗣

嘗山憲王舜景帝子立三十三年薨子勃嗣為王數月廢國除

真定頃王平常山王舜子元昂二年立二十五年薨

子烈王偃嗣十八年薨子孝王繇嗣二十二年薨子

安王雍嗣二十六年薨子共王普嗣十五年薨子陽

嗣

泗水思王商嘗山王舜少子立十三年薨子哀王安

世嗣十一年薨無子於是武帝憐泗水王絕後立安

世弟賀是為戴王立二十年薨有遺腹子煖相內史

不以聞太后上書昭帝問之抵相內史罪立煖是為

勤王立三十九年薨子戾王駿嗣三十一年薨子靖

嗣

燕刺王旦武帝子立三十八年而誅國除六年宣帝

即位封旦兩子慶為新昌侯賢為安定侯又立故太

子建是為廣陽頃王二十九年薨子穆王舜嗣二十

一年薨子思王璜嗣二十年薨子嘉嗣

廣陵厲王胥武帝子立十三年以罪國除後七年元

帝復立胥太子霸是為孝王十三年薨子共王意嗣

三年薨子哀王護嗣十六年薨無子絕後六年成帝

復立孝王子守是為靖王立二十年薨子宏嗣

高密哀王弘廣陵王胥少子立九年薨子頃王章嗣

三十三年薨子懷王寬嗣十一年薨子慎嗣

昌邑哀王壽武帝子立十一年薨子賀嗣立十四年

即帝位二十四日廢為海昏侯四年薨坐故行淫辟

不得置後元帝初元三年以賀子代宗紹封是為釐

侯代宗薨子原侯保世嗣保世薨子會侯邑嗣

淮陽憲王欽宣帝子立三十六年薨子文王玄嗣二

十五年薨子顯嗣
楚孝王囂宣帝子立三十八年薨子懷王文嗣一年

薨無子絕陽朔二年成帝復立文帝平陸侯衍是為

思王二十一年薨子紆嗣

淮南李嗣京參闕

廣戚煬侯勲楚孝王子勲薨子顯嗣文淵訂正

東平思王宇宣帝子立三十三年薨子煬王雲嗣以

罪自殺國除元始元年王莽白太皇太后立雲太子

開明為東平王開明立三年薨無子復立開明兄嚴

卿侯信子任為東平王奉開明後

定陶共王康元帝子立十九年薨子欣嗣十五年成

帝無子徵入為皇太子帝以太子奉太宗後不得故

私親乃立楚思王子景為定陶王奉共王後

中山孝王興元帝子立三十年薨子衍嗣七年哀帝無子徵中山王衍入即位是為平地太皇太后以帝為成帝後故立東平思王孫桃鄉頃侯子成都為中山王奉孝王後

冊府元龜

淮南李嗣京叅閣
西極文翔鳳訂正
豫章黃國琦較釋

宗室部

承襲第二

後漢齊哀王章光武長兄續長子建武二年立為太原王十一年徙為齊王立二十一年薨子殤王石嗣立二十四年薨子晃嗣晃立十七年以罪貶爵為燕湖侯晃卒子無忌嗣章帝以伯升首創大業而後嗣

罪廢心嘗愍之時北海亦絕無後遺詔令復二國永
元二年乃復封無忌齊王是爲惠王立五十二年薨
子頃王喜嗣立五年薨子承嗣

下博侯張齊殤王子建中初卒子它人奉其祀

北海靖王興光武長兄演次子建武二年封爲魯王
嗣光武兄仲立三十九年薨子敬王睦嗣立十年薨
子哀王基嗣基立十四年薨無子章帝憐之不除其
國和帝永元二年封睦庶子斟鄉侯威爲北海王奉
睦後立七年威以非睦子又坐誹謗檻車徵詣廷尉
道自殺永初元年鄧太后復封睦孫壽光侯普爲北

海王是爲頃王普立七年薨子恭王翼嗣立十四年

薨子康王嗣無後

趙孝王良光武叔父立十六年薨子節王栩嗣初立
四十年薨子頃王商立二十三年薨子靖王宏立十
二年薨子惠王乾嗣乾立四十八年薨子懷王豫嗣
豫薨子獻王赦嗣赦薨子珪嗣建安十八年徙封博
陵王魏初以爲崇德侯

城陽恭王祉光武族兄春陵康侯敞之子建武十一
年薨十三年封祉敞子平爲蔡陽侯以奉祉祀平卒
子真嗣真卒子禹嗣禹卒子嘉嗣

泗水王歙光武族父建武十年薨封小子燁為堂谿侯奉歙後淄川王終泗水王歙子歙薨終居喪思慕哭泣三十餘日亦薨封長子柱為邵侯以奉終祀

宜春侯正泗水王歙從父弟建武二年封子浮嗣封

朝陽侯浮傳國至孫護無子封絕延光中護從兄

娶安帝乳母王聖女伯榮為妻得紹護封為朝陽侯王

聖敗貶爵為亭侯

女成孝侯賜光武族兄建武二十八年卒子閔嗣閔

卒子商嗣徙封為白牛侯商卒子昌嗣

成武孝侯順光武族兄建武十一年卒子遵嗣以罪

降為端氏侯遵卒子弁嗣

順陽懷侯嘉光武族兄建武十九年卒子參嗣有罪

削為南鄉侯永平中參為城門校尉參卒十循嗣循

卒子章嗣

東海恭王彊光武子立十八年薨子靖王政嗣政立

四十四年薨子頃王肅嗣二十三年薨子孝王臻嗣

臻立三十一年薨子懿王祗嗣祗立四十四年薨子

羨嗣

沛獻王輔光武子立四十六年薨子釐王定嗣定立

十一年薨子節王正嗣立十四年薨子孝王廣嗣廣

立三十五年薨子幽王榮嗣榮立二十年薨子孝王琮嗣琮薨子共王曜嗣曜薨子契嗣

楚王英光武子立三十三年以罪自殺元和二年追

謚楚厲侯子楚侯种嗣後徙封六侯六縣名屬廬江郡种卒

子度嗣度卒子拘嗣傳國于後

濟南安王康光武子立五十九年薨子簡王錯嗣錯

立六年薨子孝王香嗣香立二十年薨無子國絕末

建元年順帝立錯子阜陽侯顯為嗣是為釐王立三

年薨子悼王廣嗣

東平憲王蒼立四十五年子懷王忠嗣忠立十一年

薨子孝王敞嗣敞立四十八年薨子頃王端嗣端立

四十七年薨子凱嗣

任城孝王尚東平憲王子立十八年薨子貞王安嗣

安立十九年薨子節王崇嗣崇立三十一年薨無子

國絕延熹四年桓帝立河間孝王子博為任成王以

奉其祀博立十三年薨無子國絕熹平四年靈帝復

立河間貞王孫新昌侯作為任成王奉孝王後

阜陵質王延光武子立五十一年薨子殤王冲嗣冲

立二年薨無嗣和帝復封冲兄魴是為頃王魴立三

十年薨子懷王恢嗣恢立十年薨子節王代嗣代立

十四年薨無子國絕建和元年桓帝立勃遵守侯便親為恢嗣是為恭王立十三年薨子孝王統嗣立八年薨子赦嗣

廣陵思王荆光武子立二十九年以罪自殺封荆子

元壽為廣陵侯服王璽綬食荆故國六縣元壽卒子

商嗣商卒子條嗣傳國於後

中山簡王焉光武子立五十二年薨子夷王憲嗣憲

立二十二年薨子孝王弘嗣弘立二十八年薨子穆

王暢嗣暢立三十四年薨子節王稚嗣

琅琊孝王京光武子立三十一年薨子夷王守嗣守

立二十年薨子恭王壽嗣壽立十七年薨子貞王

嗣遵立十八年薨子安王據嗣據立四十七年薨子

順王容嗣容立八年薨建安十一年復立容子熙為

王

陳敬王羨明帝子立三十七年薨子思王鈞嗣鈞立

二十一年薨子懷王竦嗣竦立二年薨無子國絕永

寧元年立敬王子安壽亭侯崇為陳王是為頃王立

五年薨子孝王承嗣承薨子愍王寵嗣

彭城靖王恭明帝子立四十六年薨子考王道嗣道

立二十八年薨子頃王定嗣立四年薨子孝王和嗣

和立六十四年薨孫祗嗣魏以爲崇德侯

樂城靖王黨明帝子立二十五年薨子哀王崇嗣崇

立二月薨無子國絕明年和帝立崇兄修侯巡爲樂

成王是爲釐王立十五年薨子隱王賓嗣立八年薨

無子國絕明年復立齊北惠王子長爲樂城王長到

國驕淫不法安帝貶長爵爲臨潮侯延光元年以河

間孝王子得嗣靖王後以樂城北廢絕故改國曰安

平是爲安平孝王立三十年薨子續嗣

下邳惠王衍明帝子建初四年就國衍後病荒忽而

太子邛有罪廢諸姬爭欲立子爲嗣連上書相告

和帝憐之使彭城靖王恭至下邳正其嫡庶賜恭詔

曰皇帝問彭城王蓋聞堯親九族萬國協和書典之

所美也下邳王被病沉滯之疾昏亂不明家用不寧

姬妾適庶諸子分爭紛紛至今前太子邛頑凶失道

陷于大辟是後諸子更相誣告迄今嫡嗣未知所定

朕甚傷之惟王與下邳王恩義至親正此國嗣非王

而誰禮重適庶之序春秋之義大居正孔子曰惟仁

者能好人能惡人貴仁者所好惡得其中也太子國

之儲嗣可不慎歟王其差次下邳諸子可爲太子者

上名將及景風拜授邛綬焉立五十四年薨子貞王

成嗣成立二年薨子愍王意嗣意立五十七年薨子哀王宜嗣

梁節王暢明帝子立三十七年薨子恭王堅嗣堅立三十六年薨子懷王正嗣正立十一年薨無子順帝封其弟孝陽亭侯成爲梁王是爲夷王立二十九年薨子敬王元嗣立十六年薨子彌嗣立四十年魏受禪以爲崇德侯

淮陽頃王昞明帝子永平五年封嘗山王建初四年徙封淮陽立十六年薨未及立嗣永元二年和帝立昞小子惻復爲嘗山王奉昞後是爲殤王立十三年

薨無子立兄防子侯章爲嘗山王立二十五年薨是爲靖王子頃王儀嗣儀立十七年薨子節王豹嗣豹立八年薨子嵩嗣

千乘貞王伉章帝子立十五年薨子寵嗣永元七年改國名樂安立二十八年薨是爲夷王子鴻嗣鴻生質帝質帝立梁太后下詔以樂安國土旱濕租委鮮薄委謂委輸也改鴻封勃海王立三十六年薨是爲孝王

無子太后立桓帝弟蠡吾侯悝爲勃海王奉鴻嗣悝

吳侯翼子河間王開孫也

清河孝王慶章帝子立二十五年薨子愍王虎威嗣

虎威三年薨亦無子鄧太后復立樂安王龍子延平

為清河王是為恭王龍即千乘王仇之子立三十五年薨子蒜

立三年以罪貶尉民侯自殺國絕明年梁太后立安

平孝王子經侯理為其陵王梁與惡清河名改為其陵奉孝德皇

祀初孝王度子祜為鄧太后所立是為安帝帝乃追尊孝王為孝德皇是為威王理立

二十五年薨子貞王定嗣定立四年薨子獻王忠嗣

濟北惠王壽章帝子立三十一年薨子節王登嗣登

十五年薨子哀王多嗣多立三年薨無子末和四年

立戰鄉侯安國為濟北王臣欽若等曰節王登第五人皆為郡侯安國疑其一

也是為登王安國立十年薨子孝王次嗣次立七年

薨子鸞嗣鸞薨子政嗣

河間孝王開章帝子立四十二年薨子惠王政嗣政

立十年薨子貞王建嗣建立十年薨子安王利嗣利

立二十八年薨子陔嗣陔立四十一年魏受禪以為

崇德侯

蠡吾侯翼河間孝王子翼卒子志嗣後為大將軍梁

冀所立是為桓帝梁太后詔追尊蠡吾先侯曰孝崇

皇建和二年封帝兄都鄉侯願為平原王奉翼後

解瀆亭侯淑河間孝王子淑卒子長嗣長卒子宏嗣

為大將軍竇武所立是為靈帝竇太后詔追尊皇祖

叔為孝元皇皇考長為孝仁皇熹平三年拜河間安
王利子康為濟南王奉孝仁皇祀康薨子熾嗣熾為
黃巾賊所害子開嗣魏受禪以為崇德侯

平原懷王勝和帝長子立八年薨無子鄧太后立樂
安夷王寵子得為平原王奉勝後是為哀王得立六
年薨無子末寧元年太后又立河間王開子都鄉侯

冀為平原王嗣
魏陳忠侯仁太祖從弟黃初四年薨子泰嗣轉封寧
陵侯泰薨子初嗣

高陵亭威侯純陳忠侯弟建安十五年薨子演嗣正
元中進封平樂鄉侯演薨子亮嗣

樂城恭侯洪太祖從弟太和六年薨子馥嗣
長平侯休太祖族子太和二年薨子肇嗣肇正始中
薨子興嗣

鄧陵元侯真太祖族子明帝時薨子爽嗣爽誅嘉平
中詔功臣世封真族孫熙為新昌亭侯邑三百戶以
奉真後

任城威王彰太祖子黃初四年薨子楷嗣徙封中牟
五年改封任城縣太和六年復改封任成國
陳思王植太祖子植薨子志嗣徙封濟北王

蕭懷王熊太祖子早薨青龍二年子哀王炳嗣

豐愍王昂太祖子太祖南征為張繡所害無子黃初

二年追封謚曰豐悼公三年以樊安公均子琬奉昂

後封中都公其年徙封長子公五年追加昂號曰豐

悼王太和三年改昂謚曰愍王嘉平六年以琬襲昂

爵為豐王琬薨謚曰恭王子廉嗣

相殤王鑠太祖子早薨太和三年追封謚青龍元年

子愍王潛嗣其年薨三年子懷王偃嗣四年薨無子

國除正元二年以樂陵王茂子陽郁鄉公竦繼鑠後

鄧安王冲太祖子建安十三年薨命宛侯據子琮奉

冲後二十二年封琮鄧侯黃初三年進琮爵徙封冠

軍公四年徙封巴氏公

沛穆王林太祖子林薨子綿嗣

中山恭王袞太祖子青龍三年薨子孚嗣

濟陽懷王珽太祖子建安十六年封西鄉侯早薨無

子二十年以沛王林子贊襲珽爵邑贊早薨無子文

帝復以贊弟壹紹珽後黃初二年改封濟陽侯四年

進爵為公太和四年追進珽爵謚曰懷公六年又進

號曰懷王追謚贊曰西鄉哀侯壹薨謚曰悼公子嘗

嗣

陳留恭王峻太祖子甘露四年薨子澳嗣

范陽閔王矩太祖子早薨無子建安二十二年以樊

安公均子敏奉矩後太和六年改封敏琅邪景元中

敏薨謚曰原王子焜嗣

楚王彪太祖子嘉平元年以罪自殺封彪子嘉爲嘗
山真定王

郢戴公整太祖子奉從叔父郎中紹後建安二十二
年封郢侯二十三年薨無子黃初二年追進爵謚曰
戴公以彭城王據子範奉整後二年封平氏侯四年
徙封成武太和三年進爵爲公青龍三年薨謚曰

公無後四年詔以範弟東安鄉公闡爲郢公奉整後

樊安公均太祖子奉叔父薊恭公彬後建安二十二
年封樊侯二十四年薨子杭嗣黃初二年追進公爵
謚曰樊安公三年徙封杭薊公四年徙封屯留公景
初元年薨謚曰定公子諶嗣

東平靈王徽太祖子奉叔父朗陵哀侯王後正始三
年薨子翕嗣

贊哀王協文帝子早薨太和五年追封謚曰經觴公
青龍二年更追改號謚三年子殤王尋嗣

北海悼王蕤文帝子青龍二年薨以琅邪王子贊奉

蕤後封昌鄉景公二年立為饒安王

東海定王霖文帝子嘉平元年薨子啓嗣

元城哀王禮文帝子太和三年薨五年以任城王楷

子悌嗣禮後六年改封梁王

鄆懷王邕文帝子太和三年薨五年以任城王楷

子溫嗣邕後六年改封魯陽

蜀安平悼王理後主庶弟延熙七年卒子哀王裔嗣

十九年卒子殤王承嗣二十年卒景耀四年詔曰安

平王先帝所命三世早夭國嗣頽絕朕用傷悼其狀

武邑侯輯襲王位輯理子也

吳沙羨侯與堅弟靜之子嘉禾三年卒子承嗣以昭

武中郎將代統兵領赤烏六年卒無子封承庶弟

壹奉與後

丹陽侯裔與兄皎之子皎為征虜將軍建安二十四

年卒追錄其功封裔裔卒無子弟瞻嗣

都亭侯賁堅兄子為征虜將軍豫章太守在官十一

年卒子鄰年九歲代領豫章進封都鄉侯鄰子公達雅性精敏

幼有全譽赤烏十二年卒子苗嗣

晉安平獻王孚宣帝次弟也世子邕先孚卒邕子崇

為世孫又早夭泰始九年立崇弟平陽亭侯隆為安

平王

義陽成王望安平獻王子出繼伯父朗泰始七年薨子奔早亡以奔子奇襲爵奇好蓄聚太康九年貶為三縱亭侯更以章武王威河間平王共子為望嗣後威誅復立奇為棘陽王以嗣望

河間平王洪義陽成王子出繼叔父昌武亭侯遺仕魏歷位典農中郎將原武太守封襄賁男武帝受禪封河間王立十三年咸寧二年薨子威嗣徙封章武威既繼義陽王望更立威弟混為洪嗣混小子滔初嗣新蔡王確與新蔡太妃不協太興二年上疏以兄

弟並沒在遼東章武國絕宜還所生太妃訟之事下太常太常賀循議章武新蔡俱承一國不絕之統義不得替其本宗而先傍親案滔既已被命為人後矣必須無復兄弟本國末絕然後得還所生今兄弟在遠不得言無道理雖阻復非絕域且鮮卑恭命信使不絕自宜詔下遼東依劉群盧湛等例發遣令還繼嗣本封謂滔令未得便委離所後也元帝詔曰滔雖出養自有所生母親新蔡太妃相待甚薄滔執意如此如其不聽終當紛紜更為不可今便順其所執還襲章武滔歷位散騎嘗侍薨子休嗣休與彭城王雄

俱奔蘇峻蘇峻平休已戰死弟珍時年八歲以小弗坐咸和六年襲爵位至太宗二年珍薨無嗣河間王欽以子範之繼位至遊擊將軍薨子秀嗣

隨穆王整義陽成王子兄奕卒以整爲世子歷南中郎將封清泉侯先父望薨武帝以義陽國一縣追封爲隨縣王子邁嗣大康九年以義陽之平林封邁爲隨郡王

太原成王輔安平獻王子輔薨子鑠立

南宮縣王翼安平獻王子武帝未受禪而卒以允邕之支子承爲嗣封南宮縣王承薨子祐嗣

下邳獻王晃安平獻王子咸寧六年薨二子褒綽褒卒綽有篤疾別封良城縣王以太原王輔第三子韓爲嗣官至侍中尚書早薨子詔立

太原烈王瓌安平獻王子泰始十年薨子顥立徙封河間王

河間王顥太原烈王子永嘉初爲南陽王模所害詔以彭城元王植子融爲顥嗣改封樂成縣王薨無子建興中元帝又以彭城康王釋子欽爲融嗣

高陽王珪安平獻王子泰始十年薨珪有美譽於世而帝甚悼惜之無子詔以太原王輔子緝襲爵緝立

五年咸寧四年薨謚曰哀無子太康二年詔以太原王瓌世子顓子訟為緝後

嘗山孝王衡安平獻王子泰始二年薨無子以安平

世子邕第四子敦為嗣

沛順王景安平獻王子咸寧元年薨子韜立

彭城穆王權宣帝弟馘之子咸寧元年薨子元王植

立植薨子康王釋立釋薨子雄立坐奔蘇峻伏誅更

以釋子紘嗣紘薨子玄嗣玄薨子孔之立位至散騎

嘗侍薨子邵之立邵之薨子崇之立崇之薨子緝之

立

高密文獻王泰宣帝弟馘之子元康九年薨子略立
永嘉三年薨子據立薨無子以彭城康王子紘為嗣
其後紘歸本宗立紘子俊以奉其嗣俊薨子敬王純
之立純之薨子恢之立

東海孝獻王越高高密文獻王子元帝時以越世子毗
沒於石勒不知存亡帝乃以第三子冲繼毗後稱東
海世子以毗陵郡增本封邑萬戶又改食下邳蘭陵
以越妃裴氏為太妃薨因發毗喪冲即王位以滎陽
益東海國轉車騎將軍徒驃騎將軍成康七年薨年
三十一贈侍中驃騎大將軍儀同三司無子成帝詔

曰哀王無嗣國統將絕朕所哀但其以小晚生奕繼
哀王爲東海王以道遠罷榮陽更以臨川郡益東海
及哀帝以琅邪王卽尊位徙奕爲琅邪王東海國闕
無嗣奕後入篡大業桓溫廢之復爲東海王既而貶
爲海西公東海國又闕嗣陵安三年安帝詔以會稽
忠王次子彥璋爲東海王繼哀王爲魯孫改食吳興
郡爲桓玄所害國除

新蔡武哀王騰高密文獻王子騰以戰死庶子確立
是爲莊王確無子初以章武王混子涌奉其祀其後
復以汝南威王祐子勰爲確後大興元年薨無子又

以弼弟邈嗣確位至侍中薨子晃立拜散騎侍郎桓
溫廢武陵王免晃爲庶人徙衡陽孝武帝立晃弟崇
繼邈後

范陽康王綏宣帝弟廞之子咸寧五年薨子廙立廙
薨無子養南陽王模子黎爲嗣

濟南惠王遂宣帝弟恂之子泰始二年薨二子耽緝
緝嗣濟南惠王立咸寧二年徙爲中山王是年薨無
子緝繼

譙剛王遜字子悌宣帝弟進之子泰始二年薨子定
王隨立隨薨子邃立沒於石勒元帝以遜次子承嗣

是為閔王承為王廙所害子無忌立是為烈王無忌
永和六年薨二子恬愔恬立是為敬王太元十五年
薨子尚之立是為忠王為桓玄所害玄上疏以閔王
不宜絕祀乃更封尚之從弟康之為譙縣王安帝反
正追贈尚之衛將軍以尚之弟休之長子文思為尚
之嗣襲封譙郡王

廣晉伯愔譙烈王子早卒無子兄恬以子允之嗣

陽陵王陸譙剛王弟元康元年薨世子蔚早卒孫毅

立永嘉中沒於石勒隆安元年詔以譙敬王恬次子

恢之子文深繼毅後毅立五年薨無嗣復以高密王

純之子法連繼之

任城景王陵字子山宣帝弟通之子咸寧五年薨十

濟立

西河繆王斌任成景王子咸寧四年薨子隱立隱薨

子香音燭立

平原王幹字子良宣帝子永嘉五年薨有二子世子

廣早卒次子永以太熙中封安德縣公

琅琊武王佃宣帝子太康四年薨子恭王覲立覲拜

元從僕射太熙元年薨時年三十五子睿立是為元

帝元興初帝以皇子褒為琅琊王奉恭王祀褒早薨

子哀王安國立未踰年薨更以皇子煥為琅邪王勅煥封顯義亭侯尚書令刁協奏昔魏臨菑侯以邢顯為家丞劉禎為庶子今侯幼弱宜選明德帝令曰臨菑萬戶封又植少有美才能同遊田蘇者今晚生矇弱何論於此間封此兒不以寵稚子也亡弟當應繼嗣不獲已耳家丞庶子足以攝祀而已豈宜屈賢才以受無用乎及煥疾篤乃下詔封為琅琊王嗣恭王後俄而薨年二歲以皇子昱為琅邪王咸和之初既徙封會稽成帝又以康帝為琅邪王康帝即位封成帝長子哀帝為琅邪王哀帝即位以廢帝為琅邪王廢帝即位以會稽王攝行琅邪國祀簡文帝登祚琅邪王無嗣帝封少子道子為琅邪王道子後為會稽王更以恭帝為琅琊王帝既即位琅邪國除武陵莊王澹琅邪武王子末嘉末為石勒所害子哀王喆立喆無子其後元帝立皇子晞為武陵王以奉澹祀晞為桓溫所廢太元六年卒二年追封武陵王子忠敬王遵嗣義熙四年薨子定王季度立拜散騎侍郎薨子球之立

東安王繇琅瑯武王子永康中為成都王穎所害後立琅邪王觀子長樂亭侯渾為東安王以奉繇祀

淮陵元王淮琅邪武王子為宗正薨子貞王融立融薨無子安帝時立武陵威王孫蘊為淮陵王以奉元王之祀位至散騎嘗侍薨無子以臨川王寶子安之為嗣

清惠亭侯京宣帝子年二十四薨以文帝子幾為嗣
泰始元年封燕王機無子齊王剛表以子幾嗣
扶風武王駿宣帝子駿薨子暢嗣改封順陽王
新野莊王歆扶風武王子為張昌所害無子以兄子劭為後

汝南文王亮宣帝子惠帝時趙王瑋矯詔誅亮及其子知俱為亂兵所害瑋誅追復亮爵謚矩為懷王
子裕立是為威王裕咸和元年薨子恭王統立以南頓王宗謀反被廢其後成帝哀亮一門殄絕紹統復封紇薨子義立義薨子遵之立以罪伏誅弟楷之子蓮扶立

梁孝王彤宣帝子永康二年薨無子以武陵王澹子禧為後是為懷王沒於石勒元帝時以西陽王羨子懼為彤嗣憚早薨是為廢王至是懷王子超自石氏歸國得立是為聲王官至散騎嘗侍薨無子詔以武陵威王子璿為超嗣歷末安大僕與父晞俱廢徙新

安薨太元中復國子蘇立薨子珍之立

齊獻王攸文帝子景帝無子命攸爲嗣徙封武陽侯

後改安昌武帝踐祚封齊王攸薨子罔嗣罔誅未興

勅詔以齊王罔輕陷重刑前勲不宜埋沒乃赦其二

子超沐英還第封超爲縣王以繼罔祀及雒陽傾覆

超兄弟皆沒于劉聰罔遂無後太元中詔以故南頓

王宗子柔之襲封齊王紹攸罔之祀

城陽哀王兆文帝子年十歲而夭武帝踐祚詔曰上

第千秋少聰慧有夙成之質不幸早亡先帝先后特

所哀愍先后欲紹立其後而竟未遂每追遺意情懷

感傷其以皇子景度爲千秋後雖非典禮亦近世之

所行且以述先后本旨也於是追加兆封謚景度以

泰始六年薨復以第五子憲繼哀王後薨復以第六

子祗爲東海王繼哀王後薨咸寧初又封第十五子

遐爲清河王以繼兆後

遼東悼惠王定國文帝子年三歲薨咸寧初追加封

謚齊王攸以長子襲爲嗣繼薨子遵嗣

廣漢殤王廣德文帝子年二歲薨咸寧初追加封謚

齊王攸以子贊紹封贊薨攸更以子寶嗣廣德後

樂安平王鑒文帝子元康七年薨子殤王籍立籍薨

無子齊王罔以子冰紹鑒後以濟陰萬壹千二百一十九戶改爲廣陽國立冰爲廣陽王

楚隱王瑋武帝子以罪謫永寧元年封其子執爲襄陽王

長沙厲王父武帝子後被誅永安元年詔長沙王父輕陷重刑封其子紹爲樂平縣王以奉其嗣永嘉中懷帝以父子碩嗣

成都王穎字章度武帝子以罪縊永嘉中立東萊王蕤子遵爲穎嗣封華容縣王

毗陵悼王軌武帝子二歲而夭太康十年追加封謚

以楚王瑋子義嗣

秦獻王東武帝子元康元年薨無子以淮南王允子郁爲嗣郁與允俱被害永寧二年追謚曰悼又以吳王晏子鄴嗣

始平哀王裕武帝子咸寧三年薨年七歲無子以淮南王允子迪爲嗣太康十年改封漢王

淮南忠莊王允武帝子爲趙王倫子虔所害允三子皆被害齊王罔上表以息超繼允後罔敗超祓幽命壙城後更以吳王晏子祥爲嗣

代哀王演武帝子演薨無子以成都王穎子廓爲嗣

改封中都王

清河康王還武帝子木康元年薨子覃嗣覃為皇太子以弟新蔡王篤還封清河王

會稽思世子道生子延長簡文之子也以幽廢卒無後及孝武帝即位嘗書見道生及臨川獻王郁郁曰大郎饑乏辛苦言竟不見帝傷感因以西陽王羨女

孫珣之為後

臨川獻王郁簡文子年十七薨寧康初追封郡王以武陵威王魯孫寶為嗣

會稽文孝王道子簡文子出琅邪孝王及恭帝為琅邪王道子受封會稽國後為桓玄所害義熙元年以

臨川王寶子修之為道子嗣是為悼王

册府元龜卷終

册府元龜

淮南李嗣京參閱

西極文翔鳳訂正

豫章黃國琦較釋

宗室部

承襲第三

宋長沙景王道憐高祖中弟也永初三年薨子成王

義欣嗣元嘉十六年薨子悼王瑾嗣瑾爲元凶所殺

瑾子粲早夭粲弟纂嗣

桂陽恭侯義融長沙景王子元嘉十八年卒子孝侯

覬嗣覬為元凶所殺無子弟襲以子晃繼封

臨澧忠侯襲桂陽恭侯子泰始六年卒於中護軍子

旻嗣昇明二年改封東昌縣侯

新喻惠侯義宗長沙景王子元嘉二十一年卒子懷

侯玠嗣為元凶所殺無子弟秉以子承繼封

興安惠侯義賓長沙景王子元嘉二十五年卒子惠

侯綜嗣綜卒子憲嗣

管道僖侯義纂長沙景王少子建元二年卒子長猷

嗣

臨川烈武王道規高祖少弟義熙八年薨無子以長

沙景王第二子義慶為嗣是為康王初太祖少為道

規所養高祖命紹焉咸以禮無二繼太祖還本而定

義慶為嗣明廟主當隨往江陵義慶幼為高祖所知

嘗曰此我家豐城也年十三襲封南郡公永初元年

襲封臨川王元嘉二十一年薨子哀王焯嗣為元凶

所殺子綽嗣

廬陵孝獻王義真高祖子景平二年罪誅無子太祖

以第五子紹為嗣元嘉九年襲封紹無子以南平王

鏐第三子敬先嗣是為恭王無子泰始元年以世祖

第二十一子晉熙王子與為紹嗣封廬陵王未拜為

太宗所殺後更以桂陽王休範第二子德嗣紹元徽
二年與休範俱伏誅國後絕三年復以臨澧忠侯襲
第三子嵩繼紹是爲元王

彭城王義康高祖子元嘉二十八年賜死子泉陵侯
亢等爲元凶所殺永光元年太宰江夏王義恭表曰
臣聞太祖遠斥猶或慮親降殺霍省序義重全戚故
嚴道疾終嗣啓方宇阜陵愆屏身適晚恩竊惟故庶
人劉義康昔昧姦回自貽非命沈魂漏籍垂誠來典
運革三朝歲盈三紀天地改朔日月再升陶形賦氣
咸蒙更始義康妻息漂沒早遘盛化衆女孤弱永淪

黔首即情原鬻本非已招感事哀筑俯增傷咽敢緣
陛下聖化融泰春澤覃被慈育群生仁被泉草實希
洗宥還齒帝宗則施及陳根榮加幽壤臣特憑國私
冒以誠表塵觸靈威伏紙悲悖詔曰大宰表如此公
緣情追遠覽以增懷昔淮楚推恩祚流支裔抑法引
親古今成性便以公表付外依旨奉行故泉陵侯亢
橫罹凶虐可特爲置後

江夏文獻王義恭世子叡爲元凶所害孝武大明二
年以第四子子綏繼封食邑二千戶追謚叡曰宣王
子綏死後太宗以第八子躋繼義恭爲孫封江夏王

食邑五千戶

南豐王朗江夏文獻王子長子爲元凶所害孝建元年以宗室祗長子欽繼封祗伏誅欽還泰始三年更以宗室韞第二子銑繼封與韞俱死順帝昇明二年復以宗室琨子績繼封

衡陽文王義季高祖子元嘉二十四年薨子恭王疑嗣大明七年薨子伯道嗣

南平穆王鑠文帝子孝武即位初薨子敬猷嗣爲前廢帝所殺太宗即位追贈敬猷侍中謚曰懷改封孝王武帝第十八子臨賀王子產爲南平王繼鑠後未

拜被殺泰始五年立晉平王休祐第七子宣曜爲南

平王繼鑠後宣曜被廢還本後廢帝元徽元年立衡陽恭王疑第二子伯玉爲南平王繼鑠後

建平宣簡王宏文帝子大明二年薨子景素先以罪伏誅孝武封長沙成王義欣子勰第三子恬爲秭歸侯食邑千戶繼宏後

晉熙王昶文帝子景和中被害二子長口思遠次曰懷遠尋並卒泰始六年以第六皇子燮繼昶封爲晉熙王

始安王休仁文帝子泰始六年遇害子伯融廢徙丹

陽縣後廢帝元徽元年還京邑襲封

鄱陽哀王休業文帝子孝建三年薨大明六年以山

陽王休祐次子士弘嗣封

臨慶冲王休倩文帝子孝建元年始九歲封東平王

未拜薨大明七年立第二十七皇子子嗣爲東平王

紹休倩後太宗泰始二年還本國絕六年以第五皇

子智卅爲東平王繼休倩未拜薨其年追改休倩爲

臨慶王以臨賀郡爲臨慶國立第八皇子躋爲臨慶

王食邑二千戶繼休倩後明年還本國太祖所愛故

前後屢加紹門嗣

巴陵哀王休若文帝子泰始七年賜死于中襲封

始平孝敬王子鸞孝武帝子爲前廢帝所害明帝即

位詔以建平王景素息延年爲嗣追改子鸞封爲始

平王食邑千戶延年泰始四年薨時年四歲謚曰冲

王明年復以長江王纂子延之爲始平王紹子鸞後

武陵王贊明帝子泰始六年生其年詔曰世祖孝武

皇帝雖侍尊墮怠勲狹政弛樂飲無饜事因於寧泰

任威縱費義緣於務寡故以積怨動天流殃裔嗣景

和肇疊義嘉成禍世祖繼體陷憲無遺昔皇家中圯

舍生懼滅賴英孝感舊掃雪寃恥勲績墜歷極茲窮

承襲
氓繼絕追遠禮訓攸尚况既帝且兄而缺斯典今以
第九子智隨奉世祖爲子武陵郡大明之世事均大
邦可封智隨武陵王食邑五千戶尋世祖一門女累
不少既無釐總義須防閑諸侯雖不得祖稱天子而
事有一家之切且歸寧有所疾疾相營得失是任閨
房有稟朕應天在位恩深九族庶此是申追睦之懷
教愛之旨

南齊衡陽元王道度太祖長兄卒於宋世建元元年
追加封謚無子太祖以第十二子鈞係道度後隆昌
元年遇害明帝即位以永陽王子珉仍本國繼元王

爲孫子珉世祖第二十子永泰元年見害年十四後
以武陵昭王曄第三子子坦奉元王後

曲江康公遙欣衡陽元王子宣帝兄西平太守亦之
無後以遙欣繼爲魯孫建武元年封聞喜縣公尋改
封曲江公

始安貞王道生太祖次兄宋世卒建元元年封謚長
子鳳早卒明帝建武元年追封始安王謚曰靖子遙
光嗣遙光生有躄疾太祖謂不堪奉拜祭祀欲封其
弟世祖諫乃以遙光襲爵遙光反誅以江陵公寶覽
爲始安王奉靖王後安陸昭王緬始安貞王子初封

安陸侯建武元年追封安陸王子寶暉嗣永元元年以安陸郡邊魏改封湘東王

南豐懿伯赤斧太祖從祖弟武帝時卒于家子頴胃襲爵豫章

文獻王疑太祖第二子武帝時薨世子子廉早卒子元琳嗣

竟陵王子良世祖子隆昌中薨子昭胃嗣
梁長沙宣武王懿高祖長兄天監元年追封子元王

業襲封業薨子章王孝儼嗣儼薨子睿嗣
永陽昭王敷高祖次兄天監元年追封子恭王伯游

嗣

衡陽宣王暢高祖弟天監元年追封子孝王元簡襲封十八年卒子俊嗣

桂陽簡王融高祖次弟天監元年追封無子詔以長沙宣武王第九子象嗣襲封爵是為敦王大同二年

薨子健嗣

臨川靖惠王宏高祖弟普通七年薨子正仁早卒謚曰哀世子無子高祖詔宏子羅平侯正立為世子繇

宏意也宏薨正立表讓長兄正義為嗣高祖嘉而許之封正立千戶侯

建安敏侯正立臨川靖惠王子薨子賁嗣

安成康王秀高祖弟普通元年薨世子機嗣是爲揚

王機薨子操嗣後梁文宣踐位復以機子欣襲封

南平元襄王偉高祖弟大通四年薨世子恪嗣是爲

靖節王

鄱陽忠烈王恢高祖弟普通七年薨世子範嗣

始興忠武王憺高祖弟普通三年薨長子亮嗣

吳平忠侯景高祖從父弟天監末卒于揚州刺史子

光侯勵嗣

南康簡王績高祖子大通三年薨子會理嗣

廬陵成王續高祖子大同二年薨子安嗣

豫章安王懼昭明太子長子大通三年封位江州刺

史薨子棟嗣

陳始興昭烈王談高祖兄即位初弟封談有二子績

爲文帝項爲宣帝高祖以宣帝襲封及文帝入篡時

宣帝在周末還帝以本宗之饗其年十月下詔曰昔

者皇基肇建封樹枝戚朕親地攸在特啓大邦弟項

嗣承門祀雖土宇開建薦饗莫繇重以遭家不造閔

凶夙遘儲貳遐隔輜重未及俛以聊身膺茲景命式

脩龜鼎冰谷載懷今既入奉太宗事絕藩祿始興國

廟蒸嘗無主瞻言霜露感尋慟絕其徒封嗣項為安
成王封第二子伯茂為始興王以奉昭烈王祀賜天
下為父後者爵一級庶申罔極之情未保山河之祚
光大二年以罪誅後主太建元年立弟叔敦為始興
王奉昭烈王祀

未脩定侯擬高祖從子天嘉元年卒子黨嗣
遂興侯詳高祖從子天嘉五年戰死子正理嗣
衡陽獻王昌高祖子天嘉元年自長安還都渡江
舩壞而卒無子文帝以第七皇子伯信為嗣

南康愍王曇朗高祖弟忠莊王休光之子曇朗為
質於齊天嘉元年詔曰南康王曇朗出隔齊庭反身
莫測園廟方脩奠饗湏主可以長男方泰為南康世
子繼南康王後及聞曇朗薨於是襲封

衡陽獻王昌高祖子初與宣帝俱遷長安天嘉元年
自周還朝於道薨其年文帝立第七皇子信為衡陽
王奉獻王祀

柱陽王伯謀文帝子至德元年薨子鄧嗣
河東康簡王叔獻宣帝子太建十二年薨子孝寬嗣
後魏上谷公紇羅神元帝曾孫紇羅卒子題賜爵襄
城公後進爵為王題卒子悉襲降爵為襄公

高涼神武王孤文皇帝子孤薨子斤失職斤子真樂
 顯有戰功後襲祖封明元初改封平陽王薨子禮襲
 本爵高涼王禮薨謚懿王子那襲坐事伏法獻文郎
 位追那功命子紇紹封紇薨子大曹孝文時改封太
 原郡公卒無子國除宣武又以大曹兄從子洪威紹
 松滋侯度高涼神武王孫度卒子乙忻襲爵襄王侯
 乙忻卒子平襲世爵松滋侯以軍功賜艾陵男卒子
 萇孝文時襲爵松滋侯例降賜艾陵伯萇卒子華襲
 爵後於弟子思俱賜死長弟珍子金襲爵艾陵男
 上黨王天穆松滋侯平子天穆卒子儼襲

西河公敦平文帝曾孫敦卒子揆襲

河澗宣公與都平文帝之後與都卒子提襲父侯爵
 河澗敬公齊烈帝之玄孫齊卒長子陵襲爵

文安公泥國之踈族泥卒子屈襲

衛王儀秦明王翰子道武時賜死子良明元時追錄

儀功封南陽王以紹儀後

陰平熹王烈衛王儀弟明元時薨子永襲

秦愍王觚陰平王烈弟道武時追謚封子夔為豫章

王以紹觚

崑山王遵昭成帝孫天賜四年坐醉亂失禮賜死葬

以庶人禮子素明元從母所生特見親寵太武初復襲爵是為康王

暨陽子可悉陵嘗山康王子可悉陵卒弟陪斤襲

城陽宣公忠嘗山康王子忠卒子盛襲爵

河澗公德嘗山康王子卒於鎮南將軍德子 王欽若等曰失

記其名卒於光州刺史謚曰恭子嶷薨於瀛州刺史謚

曰懿忠子暉襲謚曰文憲

陳留桓王虔昭成帝孫道武時追封又封其子悅為

宋提王悅賜死大武詔弟崇令襲桓王爵是為景王

崇薨子建襲

蒲城侯觀昭成帝孫太武時卒子崙襲爵以公進封

隴西公卒謚定公子琛襲爵

武遂子枝干昭成帝曾孫枝干卒子受洛襲進爵武

邑公

彭城公勃昭成帝孫勃卒長子栗襲

豐陽公庫汗彭城公孫庫汗卒子古辰襲

陽平王熙道武子太嘗六年薨長子靖王他襲他世

子吐萬早卒吐萬子僖王顯襲祖爵子康王世遵襲

孝昌元年薨子敬先襲敬先為元顥所害子宣洪襲

群荆公北陵陽平王熙子為安遠將軍卒子天琚襲

卒子延伯襲

河南王曜道武子泰嘗七年薨長子提大武時襲改封潁川王後改封武昌太安元年薨年四十七謚曰成王長子平原襲爵卒謚曰簡王平原有五子長子和爲沙門捨其子顯以爵讓其次弟鑒鑒固辭詔許其身鑒終之後令顯襲爵鑒乃受之鑒薨之後與鑒子伯宗競求承襲尚書令高肇奏和太和中出爲沙門讓爵於鑒鑒後以和子顯年在弱冠宜承基緒求遜王爵以歸正裔先朝詔終鑒身聽如其請鑒既薨逝和求襲封謹尋詔旨聽傳子顯不許其身和先薨後求有乖道素請令伯宗承襲宣武詔曰和初以讓鑒而鑒還讓其子交讓之道於是乎著其子早終可聽和襲和正光四年薨子諫襲莊帝初遇害子攀襲河澗王脩道武子泰嘗元年薨無子太武詔河南王曜子羯兒襲脩爵改封略陽

廣平上連道武子始光四年薨無子太武以陽平王熙第二子渾爲南平王以繼連後渾太和十一年從駕巡方山道薨子飛襲後賜名霄太和十七年薨謚曰安王子纂襲景明元年薨於平城子伯和襲承平三年薨謚曰哀王伯和無子以弟文華子仲固襲王

封後爲蕭寶寅所害謚曰武真子承宗襲早卒以纂弟安平子仲略繼

京兆王黎道武子神麋元年薨子根襲贈封江陽王薨無子獻文以南平王霄二子繼爲根後繼襲封江陽王永安二年薨謚曰武烈長子伯熙卒子亮襲

樂平戾王丕明元子後坐事以憂薨子夜襲爵

樂安王範明元子後坐事暴薨長子簡王良文成時襲王末昌

莊王健明元子健薨子仁襲

東平王翰太武子翰薨子道符襲爵

臨淮宣王譚太武子譚薨子提襲提以貪縱削除卒孝文時追封長鄉侯宣武時謚曰懿提子昌復封臨淮王未拜而薨謚康王追改封濟南王其子彥紹封彥薨謚文穆王無子弟孝友襲爵

廣陽簡王建太武子建薨子哀王石侯襲石侯薨子定王遣興襲無子石侯弟懿烈王嘉襲嘉薨子忠武王深襲爵深爲諸葛榮所害子文獻王湛襲封湛薨子法輪坐叔父瑾謀殺齊文襄事泄合門伏法齊王於湛覆滅乃啓原之復其爵土

陽平幽王新成景穆長子新成薨長子安壽襲爵孝

文賜名願

義陽王子孝陽平幽王子後降爲公卒子贊嗣

京兆王子推景穆子薨子太興襲後爲沙門太和二

十二年終子昂宿襲薨子文琮襲

汝陽王仲景京兆王大興子孝靖時薨子冲襲

濟陰惠王小新成景穆子薨子鬱襲位以贖貨賜死

爵除詔以鬱弟偃子誕立爲嫡孫特聽紹封是爲靜

王子撫襲先是鬱長子彌以世嫡應襲先爵爲季父

尚書僕射麗因于氏親寵遂奪彌王爵建義元年彌

子暉業訴復王爵永安三年謚彌爲文獻王初彌嘗

夢人謂之曰君身不得傳世封其紹先爵者君長子

紹遠也勦卒即加暉業終如其言

汝陰靈王天賜景穆子孝文時以罪削除及卒復本

爵子威王逞嗣逞薨子文王脩嗣脩薨子均入西魏

封安昌王薨謚平王子則襲封

樂良厲王萬壽景穆子以憂薨子康王樂平襲樂平

薨子長命襲坐殺人賜死子忠孝明時復前爵

廣平殤王雒侯景穆子和平二年薨無子後以陽平

幽王第五子正後之爲度支尚書正表引樂陵章武

之例求紹雒侯封紹付尚書議尚書奏聽襲封以明

興絕之義後加鎮東將軍詔曰故廣平殤王稚侯躋自恭宗茂年薨殞國除祀廢不祀忽諸正親同若子私繼歲久宜樹維城永茲磐石可特襲王爵後改封東平郡王卒改濟南王第四子獻襲獻薨子祖育襲任城康王雲景穆子雲薨長子文宣王澄太和中襲封澄薨第四子文王彞襲彞卒子度世襲

高平剛侯嵩任城康王子爲蒼頭李太白所害第二子携襲爵除給事中薨子景遠襲

南康惠王禎景穆子禎薨子英改封中山王英累遷尚書僕射薨謚獻武王次子熙好學有文才然輕躁

浮動英慮非保家之主嘗欲廢之立第四子畧爲世子宗義不聽略又固請乃止延昌二年襲封時領軍于忠執政熙忠之壻也驟遷平西將軍熙薨謚之曰文莊王長子景獻次仲獻次叔獻並與熙同遇害叔獻弟叔仁以年幼獲全襲先爵除征虜將軍復須遇害子琳襲熙弟誘亦被誅子始伯襲誘弟畧爲爾朱榮所害謚曰文貞子景式襲略弟纂與熙俱死子獻襲

武邑王義興南安惠王子義興薨子述襲

城陽康王長壽景穆諸子子多侯早卒次子鸞始繼

叔父章武敬王及兄卒還襲父爵鸞薨子徽宣武時襲封後爲爾朱兆所殺出帝初子延襲爵徽兄顯死於晉陽刺史子彥昭襲

章武敬王太維景穆諸子皇興二年薨無子孝文初以南安惠王第二子彬爲後襲爵彬卒長子融死王事子景哲襲景哲弟郎郎後廢帝子黃頭襲封安定王改封安平王融弟凝末熙二年終安東將軍兗州刺史子彥友襲武定中爲光祿大夫凝弟湛位至少卿遇害子俊襲

樂陵康王胡兒景穆子薨無子獻文詔胡兒兄汝陰王天賜之第二子末全復之襲封後改名思譽正始四年薨謚密王子景略宣武時襲封位至幽州刺史薨謚惠王子霸休襲

安定靖王休景穆子休薨長子安幼早卒次子燮襲燮薨子超襲時以胡珍國封安定公改封北平王後復本封遇害子孝景襲

樂安厲王長樂文成子以罪賜死於家子詮襲詮薨謚曰武康子鑿襲

廣川莊王略文成子太和四年薨子諧襲諧薨謚曰剛子靈道襲

承襲
河澗孝王若文成子年十六薨詔京兆康王子太安
爲後太安子若爲從弟非相後之義廢以齊郡王子
琛繼

安豐王猛獻文子太和中薨於營州刺史子延明襲
咸陽王禧獻文子以罪賜死正光中復禧王爵子坦
襲改封敷城王永安初復本封咸陽郡王

趙郡靈王幹獻文子幹薨長子謚宣武初襲封謚薨
謚曰貞景子毓襲莊帝初遇害謚曰宣恭無子詔以
謚弟讜子爲後襲爵

趙郡孝懿王謀靈王子莊帝初封魏郡王謀本年長

應襲王封其父靈王寵愛其弟謚以爲世子莊帝詔
復謀封趙郡王薨子煇襲

廣陵惠王羽獻文子羽薨子恭襲

高陽文穆王雍獻文子雍與嫡子大同時遇害太子
斌太兄安德縣公端與雍俱遇害子峻襲爵太弟濟
北郡王獻與雍俱遇害子徽普泰中襲爵後坐謀逆
伏法獻弟誕薨謚曰文獻無子以斌第二子子亮爲
後

彭城武宣王勰獻文子勰薨嫡子邵襲莊帝時遇害
子紹襲遷給事黃門侍郎靈太后詔曰故太師彭城

武宣王道隆德盛功高徽管協契先朝導揚末命扶
河濟難效漢北之誠送往奉居盡魯南之節宗社賴
之以安皇基繇之未固而謙光守約屢擡增邑之賞
辭多受少終保勅錫之封非所謂追舊報恩念勲酬
德者也可以前後所封戶別封三子爲縣公食邑各
一千戶庶以少慰亡蒐微申朝典子直封真定縣開
國公以病卒子寬襲王爵始平貞王子正與兄邵俱
同時遇害子欽襲

北海平王詳獻文子詳薨子顥襲後遇害子婆羅襲
北濟趙郡貞王琛神武弟天平中薨子獻嗣獻遇害

子釐信嗣

陳留文恭王惠寶神武弟早亡以清河王嶽第十子
敬文嗣

清河昭武王嶽神武從父弟天平中薨子勵嗣

廣平公盛神武從叔祖薨無子以兄子子瑗嗣大保

勅改封平昌王

長樂太守靈山神武族弟終於長樂太守子懿卒於
武平鎮將無子文宣帝以靈山從父兄齊州刺史楚
國子伏護爲靈山後復護卒孫乂襲

陽周武昭公末樂高祖兄子末樂卒無子從兄恩宗

以第二子緒為後襲爵天保初改封脩城郡王
永安簡平王浚神武子為文宣所殺至乾明元年贈
太尉無子詔彭城王浹第二子淮嗣

平陽靖康王淹神武子河清三年薨子德素嗣

彭城景思王洸神武子河清三年遇害子寶德嗣位

開府兼尚書左僕射

上黨剛肅王渙神武子為文宣帝所殺渙無嫡子庶

長子寶嚴以清河二年襲位金紫光祿大夫開府儀

同三司

襄城景王清神武子天保二年薨無子詔以嘗山王

演第二子亮嗣

高陽康穆王湜神武子天保十年薨子士義襲爵

博陵文簡王濟神武子天統五年薨子智襲爵

馮翊王潤神武子潤薨子茂德嗣

漢陽敬王維字敬延神武子天寶五年薨無子以任

城王第三子建德為後

河南康獻王孝瑜文襄子武成時薨子弘節嗣

河澗王孝琬文襄子為文宣所殺子正禮嗣

太原王紹德文宣子為武成所殺武平元年詔以范

陽王子辨才為後襲太原王

樂陵王百年孝昭子為武帝所害後主詔以襄城王
子白澤襲爵樂陵

琅邪王儼武成子為後主所殺以平陽王淹孫世後
嗣

後周邵惠公顥太祖長兄保定初追封長子什思為
北齊神武所害追贈大冢宰襲爵郡公謚曰景

杞烈公連一云簡公邵惠公子魏末戰歿以章武公遵子

亮嗣之亮初封襲爵累遷宗師中大夫卒詔以弟椿
為烈公之後

虞國公仲太祖再從父保定中追封子興生值亂兵
與仲相失又幼冲莫知其戚屬遠近高祖以苦難

維嗣

宋獻公震文帝子尚西魏文帝女薨無子以世宗第
三子寔為嗣

隋義城縣公處綱高祖族父開皇初贈其父鍾蔡為
柱國尚書令義城縣公以處綱襲焉

河澗王行高祖從祖弟大業六年追封郇王子慶嗣
滕穆王瓚高祖母弟開皇十一年薨子綸嗣以罪徙

朱崖大業中弟誥襲封滕王以奉穆王嗣

道悼王靜滕穆王子出繼叔父嵩嵩在周代以太祖

軍功賜爵興城公早卒高祖踐位追封道王謚曰宣以靜襲焉

衛昭王爽高祖異母弟開皇中薨子集初封遂安王尋襲封衛王

秦孝王俊高祖子開皇二十年為妃崔氏所毒薨崔氏賜死二子浩湛不合承嗣煬帝即位以浩為秦王以奉孝王嗣

蔡王智積高祖弟愨之子愨後周時戰死高祖受禪追封蔡王以智積襲焉

康求安莊王孝基高祖從父弟武德二年戰歿無子以從兄韶子道立為嗣封高平郡王

長平肅王叔良高祖從父弟叔良薨子孝協嗣

襄武王琛高祖從父兄子武德三年薨子儉嗣

河澗元王孝恭齊武王弟貞觀十四年薨子崇義嗣

淮陽莊王道玄高祖從父兄子武德五年薨無子詔

封其弟武都郡公道明為淮陽王令主道玄祀

衛懷王玄霸高祖子早薨無子武德元年追贈衛王

四年封大宗子泰為宣都王以奉其祀泰後徙封於

越又以宗室贈西平王瓊之子保定為嗣

巢刺王元吉高祖子以罪誅貞觀十六年追封以曹

王明爲後

楚安王智雲高祖子武德元年追封無子三年以太宗子寬爲嗣寬薨貞觀二年復以濟南公世都子靈龜嗣靈龜卒子福嗣

荆王元景高祖子永徽三年生謀逆賜死後追封沉黎王以渤海王奉慈子長沙爲嗣降爵爲侯神龍初追復爵上并封其孫述爲嗣荆王

徐王元禮高祖子咸亨三年薨子淮南王茂嗣茂以流死振州神龍初封茂子瓘爲嗣徐王瓘開元中卒子延年嗣二十六年封嗣徐王後坐賍貶杭郡司馬

卒永泰元年女壻黔中觀察使趙國珍入朝請以延年子前施州刺史諷爲嗣因封嗣徐王

韓王元嘉高祖子以謀逆坐誅神龍初追復爵上并封其第五子訥爲嗣韓王開元十七年卒子叔璩爲嗣韓王

彭思王元則高祖子永徽二年薨無子以霍王元軌子絢嗣龍朔中封南昌王子志暎神龍初封嗣彭王鄭惠王元懿高祖子咸亨四年薨子敬上元初封爲嗣鄭王官至鄂州刺史神龍初又封敬嫡子希言爲嗣鄭王

霍王元軌高祖子垂拱四年坐謀逆與長子緒俱死
神龍初追復爵土封緒男暉爲嗣霍王

號莊王鳳高祖子上元元年薨子平陽郡王翼嗣官
至光州刺史永隆二年卒子寓嗣則天時失爵神龍
初封鳳嫡孫邕爲嗣號王邕開元十五年卒子臣嗣
道孝王元慶高祖子麟德元年薨子臨淮王誘嗣官
至澧州刺史淳中中坐贓削爵次子詢壽州刺史詢
子徽神龍初封爲嗣道王景雲元年卒子諫開元二
十五年襲封嗣道王

鄧康王元裕高祖子麟德二年薨無子以弟汪王子

詳子廣平公旦嗣神龍初封旦子孝先爲鄧王景龍
四年制尚乘奉御事伯潛繼鄧王元裕後

舒王元名高祖子永昌中與子亶俱遇害封亶子津
爲嗣舒王開元中卒子萬嗣天寶二年卒子藻嗣天
寶九載封嗣舒王建中元年九月改封嗣鄧王

魯王靈巖高祖子永徽四年以罪自殺有二子長子
誥封清河王少子藹封范陽王爲酷吏所陷神龍初
封藹子道堅爲嗣魯王道堅卒子宇嗣寶應元年皇
太子封爲魯王改宇爲嗣鄒王宇薨子萃嗣

江安王元祥高祖子永隆元年薨中興初以元祥子

鉅鹿郡公晃子欽嗣江王

密貞王元曉高祖子上元三年薨子南安王穎嗣神龍初封穎弟亮子曇爲嗣密王開元五年五月制曰興滅國繼絕世天下歸心焉况乃仁不遺親德必在祀光復土宇率繇教義者哉故徐州刺史密王元曉望重天人地居藩屏家邦伊賴休戚是均乃者王室多難睿圖中缺凡我宗子咸從殛竄神龍初歲寶運紹興爰命近屬以爲後嗣而胄緒凋翳是非紛雜曇子乘隙妄尸茅土神且不歆非類人亦奚祀非族莫享無主永懷惻然其封元曉姪孫銀青光祿大夫行太僕少卿員外置同正員東莞郡開國公徹爲嗣密王以奉其祀

滕王元嬰高祖子文明元年薨子長樂王循琦嗣是第六人垂拱中並陷詔獄神龍初以循琦弟循珂嗣天寶初卒子湛然嗣十二載封嗣滕王吳王恪太宗子末徽中以罪誅有子四人仁瑋琬琿並流于嶺表尋追封恪爲鬱林王神龍中封琨子祗爲嗣吳王

濮恭王泰太宗子末徽三年薨子欣封嗣濮王則天初陷酷吏獄貶昭州別駕卒子嶠本名餘慶中與初

封嗣濮王

蜀悼王愔太宗子乾封二年薨封子璠爲嗣蜀王末

昌中配流歸誠州而死神龍廟以吳王恪孫郎陵王

瑞子榆爲嗣蜀王

蔣王暉太宗子上元年自殺子熈嗣垂拱中爲則天

所害子銳早卒神龍初封銳子紹宗爲嗣蔣王卒子

欽福嗣

越敬王真太宗子則天時與其子琅邪王冲謀復唐

室事敗而死開元四年十月癸未詔曰九族以親克

敦其教百代必祀允章厥德故越王貞執心不同臨

事能斷粵自藩國勤于王家光宅之後寶圖將缺懷

劉章之輔漢追鄭武之勅周遂能奮不顧身率先唱

義雖英謀未尅而忠節居多嗣絕國除年踰一紀奠

享淪廢朕甚憫焉夫存或高功歿有明祀數心則安

衆惟禍時泰則高陽紹封永言興繼式備典冊其封

貞姪孫故許工男左監門衛將軍員外置同正員薨

國公琳爲嗣越王以奉其祀

紀王慎太宗子則天時流死中興初追復官爵令以

禮改葬封慎少子鐵誠爲嗣紀王後改名澄開元初

歷德棣冀三州刺史左驍衛將軍薨子行周嗣

江王景龍四年以吳王孫禘繼江王囂後

趙王福太宗子貞觀中出繼隱太子建成咸亨元年

薨中興初封蔣王暉孫思順為嗣趙王

曹王明太宗子末隆中坐與庶人賢通謀自殺有二

子南州別駕零陵王俊黎國公傑垂拱中並遇害中

興初封傑子裔為嗣曹王裔叔父備自南州還又封

備為嗣曹王後備詔慰忠州叛獠沒于賊又封裔為

王卒子戢嗣戢卒子皐嗣

澤王上金高宗子載初元年武承嗣使酷吏周興証

告上金自縊死子義璡義珍義玫義璋義環義瑾義

璣七人並配流死神龍初追復爵土開元十四年四

月制曰先親之義所以敦叙廣封之道所以利達故

澤王男義珣漸慶元族分榮帝系早承光寵列在戚

藩中因間言久不立嗣既宗英有譽而拜翰用崇宜

順景封之典俾弘宅主之命可封嗣澤王先是義珣

竄在嶺外匿於傭保之間及紹封無幾有人告珣非

上金子假冒寵爵義珣不能自明復流于嶺外開元

初封許王素節之子璆為嗣澤王繼上金後十二年

王真公主表稱義珣寔上金遺裔被嗣許王璡兄弟

利其封爵謀構廢之繇是削璆王爵復詔義珣爲嗣
王拜率更令因是諸宗室非本宗襲爵自中興已後
外繼爲嗣王者皆令歸宗削其爵邑貞元五年十二
月封故澤王諱男澗爲嗣澤王

許王素節高宗子則天時與子九人並遇害惟少子
琳璫璆欽故以年少特令長禁雷州神龍初封璫爲
嗣許王璫開元十一年爲衛尉卿以抑伯澤王上金
男義珣不得承襲以弟璆繼之玄宗遽遣璫爲鄂州
別駕於是下詔繼其外繼乃以故澤王上金男義珣
爲嗣澤王江王禕爲信安郡王嗣蜀王瑜爲廣漢都

王嗣密王徹爲濮陽郡王嗣曹王璠爲濟國公嗣趙
王蒞爲中山郡王武陽郡王維宗爲澧國公璫天寶
六載卒贈蜀郡大都督璫晚有子命璆子益爲嗣及
卒有解需二子皆幼孺十一載益襲封許王十四載
解娶楊銛女乃襲許王

雍王賢高宗子爲則天所譖廢爲庶人幽於別所未
淳二年遷於巴州自殺追封爲雍王子守禮授太子
洗馬封爲雍王

讓皇帝憲睿宗子累封寧王開元二十八年薨追冊
爲皇帝長子汝陽郡王璡肅宗元年建辰月嗣寧王

璉薨以其子太嘗寺寺丞擢為嗣寧王食邑三千戶
仍試太僕少卿

惠莊太子撫睿宗子初封申王無子開元七年正月

制曰建侯樹藩命賢裂土以悖戚屬乃率典嘗司徒

兼絳州刺史上柱國申王撫玉林分彩銀河疏液厥

保慶靈未繁裔緒宋王憲男嗣英 一云宋王男詢 魯庭學禮

楚館聞詩德輝日盛忠槩寡立宜其擇猶子之序居

承嫡之位廬江太都形勝攸屬用圖爾居莫如茲地

是錫分珪之寶俾成磐石之崇可封懷寧郡王食邑

三千戶嗣英早卒撫開元十二年薨天寶三載又以

讓帝子疇為嗣申王

岐王範睿宗子開元十四年薨子瑾封河東郡王暴

卒天寶三載以惠宣太子男略陽公珍為嗣岐王

惠宣太子業睿宗子勅封薛王開元二十二年薨子

瑁封嗣薛王

奉天皇帝琮玄宗子累封慶王天寶十一載薨無子

十三載十一月封故靖德太子男侁為嗣慶王 王欽若等

日唐自玄宗已後皇子封王王子封郡王不任嗣襲故此後皆闕

梁廣王全昱太祖長兄貞明中卒封長子衡王友諒

為嗣廣王

册府元龜

淮南李嗣京叅閱

西極文翔鳳訂正

豫章黃國琦較釋

宗室部

二十四

忠一

傳曰忠為令德蓋策名委質有死無二之謂也乃有
體自天極列于藩維承光日月同休宗社而內懷明
德發於精衷自晦以掩君惡建義以雪國耻定策佐
命以安天下扶危持顛以濟大難守節而無苟拒惡

而靡憚勵恭慎之節竭謨明之效周旋攸助彌綸罄
盡奉侍勤瘁誠言敦篤至或挺身變亂而罹害感慨
宗國而亡身抗志不撓瞋目無悔斯皆仁厚成於自
然純亮表於性質擬咸一之德隆在三之義千載之
下凜乎其有生氣矣

商箕子紂之親戚也紂為淫泆箕子諫不聽人或曰
可以去矣箕子曰為人臣諫不聽而去是彰君之惡
而自悅於民吾不忍為也乃被髮佯狂而為奴

漢燕王澤聞呂太后終澤乃曰帝少王欽若等曰帝謂呂后所立惠

帝後宮諸呂川事諸劉孤弱引兵與齊王合謀西欲

誅諸呂至梁聞漢灌將軍屯滎陽澤還兵脩西界遂

跳驅至長安齊王傳云使祝午給琅邪王琅邪王禮見齊王齊王因留琅邪王而使祝午盡

發琅邪國而并將其兵琅邪王既見欺不得反國乃

說齊王求入問計事齊王以為然乃益具軍送琅邪

王與此傳不同疑此傳誤也代王亦從代至諸將相與琅邪王共

立代王是為孝文帝

衡山王勃景帝初七國反吳使者至衡山衡山王堅

守無心吳楚已破衡山王來朝帝以為貞信乃勞苦

之日南方卑濕徙王於濟北以褒之

濟北王胡以為武帝且封禪上書獻泰山及其旁邑
天子以它縣償之

武平侯璜王莽居攝一年以舉兵誅莽死

陵鄉侯曾王莽建國六年以舉兵欲誅莽死

後漢慎侯賜光武族兄更始初封賜為宛王典將六

部伯升初起置後赤眉破更始所賜領六部亦稍散

畔乃去宛保育陽間光武即位西之武關迎更始妻

子將詣維陽帝嘉賜忠故封為慎侯

劉虞為幽州牧就拜太尉初平二年冀州刺史韓馥

勃海太守袁紹及山東諸將議以朝廷幼冲逼於董

卓遠隔關塞不知存否虞以宗室長者欲立為主乃

遣故樂浪太守張岐等齎議上虞尊號虞見岐等厲

色叱之曰今天下紛亂主上蒙塵吾被重恩未能清

雪國恥諸君各據州郡宜共戮力盡心王室而反造

逆謀以相垢誤耶故拒之馥等又請虞領尚書事承

制封拜復不聽遂收斬使人

魏曹洪字子廉太祖從弟也太祖起義兵討董卓至

滎陽為卓將徐榮所敗太祖失馬賊追甚急洪下以

馬殺太祖太祖辭讓洪曰天下可無洪不可無君遂

步從到汴水水深不得渡洪循水得船與太祖共濟

還奔譙

齊王族祖問字元首魏世諸侯王多所抑損問上書

臣聞古之王者必建同姓以明親親必樹異姓以明賢賢故傳曰庸勲親親昵近尊賢書曰克明俊德以親九族詩曰懷德維寧宗子維城由是觀之非賢無與興功非親無與輔治夫親親之道專用則其漸也微弱賢賢之道偏任則其弊也劫奪先聖知其然也故博求親疎而並用之近則有宗盟藩衛之固遠則有仁賢輔弼之助盛則有與共其治衰則有與守其上安則有與享其福危則有與同其禍夫然故能有國家保其社稷歷紀長久本支百世也今魏尊賢之法雖明親親之道未備詩不云乎鶴鳴在原兄弟急難以斯言之明兄弟相救於喪亂之際同心於憂禍之間雖有閭墻之忿不忘禦侮之事何則憂患同心也今則不然或任而不重或釋而不任一且疆場稱警閔門反拒股肱不扶胸心無衛臣竊惟此寢不安席思獻丹誠貢策天闕謹撰合所聞叙論成敗論允數千言是時天子幼稚問與以此論感悟曹爽爽不能納

蜀北地王譔景耀末鄧艾兵至譙周勸後主降後主將從譙周之策譔怒曰若理窮力屈禍敗必及便當父子君臣背城一戰同死社稷以見先帝可也後主

不納遂送璽綬是日譔哭於昭烈之廟先殺妻子而後自殺左右無不爲泣者

晉惠帝西遷范陽王虓與從兄平昌公模長史馮嵩等刑白馬歃血而盟推東海王越爲盟主虓都督河北諸軍事驃騎將軍持節領豫州刺史劉喬不受越等節度乘虎破許虓自拔渡河王浚表虓領冀州刺史資以兵馬虓入冀發兵又南濟河破喬等河澗王顒聞喬敗斬張方傳首於越越與虓西迎帝而顒出奔於是奉天子還都拜虓爲司徒

齊王攸爲驃騎將軍每朝政大議悉心陳之

汝南王亮爲太宰錄尚書事楚王瑋有勲而好立威亮憚之欲奪其兵權瑋甚憾乃承賈后旨誣亮與衛瓘有廢立之謀矯詔遣其長史公孫宏與積弩將軍李肇夜以兵圍之帳下督李龍自外有變請距之亮不聽俄然楚兵登墻而呼亮驚曰吾無二心何至於此若有詔書其可見乎宏等不許促兵攻之長史劉準謂亮曰觀此必是姦謀府中俊又如林猶可盡力距戰又弗聽遂爲肇所執乃歎曰我之忠心可破示天下也如何無道枉殺不辜是時大熱兵人坐亮于車下時人憐之爲之交扇將及日中無敢害者瑋出

今日能斬亮者賞布千匹遂爲亂兵所害投于北門之壁鬚髮耳鼻皆悉毀焉

淮南王允元康九年入朝初愍懷之廢議者將立允爲大弟會趙王倫廢賈后詔遂以允爲驃騎將軍開府儀同三司侍中都督如故領中護軍允性沈毅宿衛將士皆敬服之倫既有僭逆志允陰知稱病不朝密養死士潛謀誅倫倫甚憚之轉爲太尉外示優崇實奪其兵也允稱病不拜倫遣御史逼允收官屬以下劾以大逆允恚視詔乃孫秀手書也大怒便收御史將斬之御史走而獲免斬其令二人厲色謂左右

曰趙王欲破我家遂率國兵及帳下七百人直入大呼曰趙王反我將攻之佐淮南王者左祖於是歸之者甚衆允將赴宮尚書左丞王興閉東掖門允不得入遂圍相府允所將兵皆淮南奇才劍客也與戰頻敗之倫兵死者千餘人太子左率陳徽勒東宮兵鼓譟於內以應允結陳於承華門前弓弩齊發射倫飛矢雨下主書司馬哇秘以身蔽倫箭中其背而死倫官屬皆隱樹而立每樹輒中數百箭自辰至未徽兄淮時爲中書令遣麾騶虞幡以解圍倫子虞爲侍中在門下省密要壯士約以富貴於是遣司馬督護伏

裔領騎四百從宮中出舉空版詐言有詔助淮南王
允允不之覺開陣納之下車受詔爲裔所害時年二
十九初倫兵敗皆相傳曰已擒倫矣百姓大悅既而
聞允死莫不歎息

齊王冏趙王倫密與相結廢賈后以功轉遊擊將軍
冏以位不滿意有恨色孫秀微覺之且憚其在內出
爲平東將軍假節鎮許昌倫篡遷鎮東大將軍開府
儀同三司欲以寵安之冏因衆心怨望潛與離狐王
盛潁川王處穆謀起兵誅倫倫遣腹心張烏覘之烏
反曰齊無異志冏既有成謀未發恐事泄乃與軍司

管襲殺穆送首與倫以安其意謀定乃收襲殺之遂

與豫州刺史何勗龍驤將軍董艾等起兵遣使告成

都河澗崑山新野四王移檄天下征鎮州郡縣國咸

使聞知揚州刺史郗隆承檄猶豫未決參軍王邃斬

之送首于冏冏屯軍陽翟倫遣其將冏和張泓孫輔

出堦坂與冏交戰冏軍失利堅壘自守會成都軍殺

倫衆於黃橋冏乃出軍攻和等大破之及王與廢倫

惠帝反正冏誅討賊黨既畢率衆入雒塢軍通章署

甲士數十萬旌旗器械之盛震於京都天子就拜大

司馬加九錫之命備物典策如宣景文武輔魏故事

問於是輔政居攸故宮

成都三穎轉鎮北大將軍趙王倫之篡也進征北大將軍加開府儀同三司及齊王冏舉義穎發兵應冏以鄴令盧志爲左長史穎丘太守鄭琰爲右長史黃門侍郎程收爲左司馬陽平太守和演爲右司馬使兗州刺史王彥冀州刺史李毅督護趙驤石超等爲前鋒羽檄所及莫不響應至朝歌衆二十餘萬趙驤至黃橋爲倫將士倚許超所敗死者八千餘人士衆驚駭穎欲退保朝歌用盧志王彥策又趙驤率衆八萬與王彥俱進倫復遣孫會劉琨等率三萬人與倚超

合兵距驤等精甲耀日鐵騎前驅倚既戰勝有輕驤之心未及溫十餘里復大戰倚等奔潰穎遂過河乘勝長驅左將軍王輿殺孫秀幽趙王倫迎天子反正穎入京都誅倫使趙驤石超等助齊王冏攻張泓於陽翟泓等遂降冏始率衆入雒自以首建大謀遂擅威權穎營于大學及入朝天子親勞焉

東海王越初爲中書令徙侍中遷司空領中書監成都王穎攻長沙王又固守維陽殿中諸將及三部司馬疲於戰守密與左衛將朱默夜收又別省逼越爲主啓惠帝免又官事定越稱疾遜位帝不許加守尚

書令太安初帝北征鄴以越爲大都督六軍敗越奔
下邳徐州都督東平王琳不納越徑還東海成都王
穎以越兄弟宗室之爰下寬令招之越不應命帝西
幸以越爲太傅與太宰顥夾輔朝政讓不受東海中
尉劉洽勸越發兵以備穎越以洽爲左司馬尚書曹
叅爲軍司既起兵琳懼乃以州與越越以司空領徐
州都督以琳領兗州刺史越三弟並據方任征伐輒
選刺史守相朝士多赴越而河澗王顥挾天子發詔
罷越等皆令就國越唱義奉迎大駕還復舊都率甲
卒三萬西次蕭縣豫州刺史劉喬不受越命遣子祐

距之越軍敗范陽王虓遣都護田徽以突騎八百迎
越遇祐於譙祐衆潰越進屯陽武山東兵盛關中大
懼顥斬送張方首求和尋變計距越越率諸侯及鮮
卑許扶歷駒次宿歸等步騎迎惠帝反雒陽詔越以
大傅錄尚書以下邳濟陽二郡增封及懷帝即位委
政於越吏部郎周穆清河王暉舅越之姑子也與其
妹夫諸葛玖共說越曰主上之爲大帝張方意也清
河王本太子爲群凶所廢先帝不諱多疑東宮公盍
思伊霍之舉以寧社稷乎言未卒越曰此豈宜言耶叱
左右斬之以玖穆世家罪止其身因表除三族之法

譙王承爲湘州刺史王敦構難遣參軍桓羆說承以
劉隗專寵令便討擊請承以爲軍司以軍期上道承
歎曰吾其死矣地荒人鮮勢孤援絕赴君難忠也死
王事義也惟忠與義夫復何求便欲唱義而衆心歛
惑承曰吾受國恩義無有二府長史虞悝慷慨有志
節謂承曰王敦居分陝之任而一旦作逆天地所不
容人神所痛疾大王宗室藩屏寧可從其僞邪使其
電奮存亡以之於是與悝及弟前丞相掾望建昌太
守長沙王循衡陽太守淮陵劉翼等共盟誓曰桓羆
黜檄湘州指期至巴陵零陵太守尹奉首同義謀出

軍營陽於是一州之內皆同義舉乃使虞望討諸不
服斬湘東太守鄭澹澹敦姨夫也敦遣南蠻校尉魏
又將軍李嘗田嵩等甲卒二萬以攻承承且戰且守
待救於尹奉虞望而城池不固人情震恐或勸承南
投陶侃又云可退據零桂承曰吾舉義衆志在死節
寧偷生苟免爲奔敗之將乎事之不濟其令百姓知
吾心耳城沒被害

宋江夏王義恭遷侍中未拜元凶邵肆逆遣召義恭
先是詔召太子及詔諸王各有嘗人慮有詐妄致害
者至是義恭求嘗所遣傳詔邵遣之而後人義恭請

罷兵凡府內兵仗並送還臺進位太保服侍中服又
領太宗師世祖入討邵疑義恭有異志使入任尚書
下省分諸子並住神虎門外侍中下省邵聞世祖已
次近路欲悉力逆之決戰中道義恭慮世祖船乘邳
小邵豕突中流容能爲患乃進說曰割棄南岸柵斷
石頭此先朝舊法以逸待勞不憂不破也邵從之世
祖前鋒至新亭邵挾義恭出戰嘗錄在左右故不能
自援戰敗使義恭於東堂閣將義恭先使人具船於
東冶渚因單馬南奔始濟淮追騎已至北岸僅然得
免邵大怒遣始興王濬就西省殺義恭十二子世祖

時在新林浦義恭既至上表勸世祖即位

彭城王義康錄尚書事文帝有虛勞疾每意有所想
便覺心中痛裂屬續者相係義康入侍醫藥盡心衛
奉湯藥飲食非口所嘗不進或連夕不寐彌日不解
衣內外衆事皆專決施行

建平王宏文帝第七子元凶弑立以宏爲左將軍卅
陽尹又以爲散騎嘗侍領軍將軍江州刺史祖入討
邵錄宏殿內世祖先嘗以一手板與宏宏遣左右親
信周法道齋手板詣世祖事平以爲尚書左僕射使
奉迎太后

營浦侯遵考子琨之爲竟陵王誕司空主簿誕作亂以爲中兵參軍不就繫繫數十日終不受乃殺之追贈黃門郎詔吏部尚書謝莊爲之誄

南郡王義宣爲荆雍都督元嘉三十年遷司徒中軍將軍揚州刺史侍中如故未及就徵值元凶弒立以義宣爲中書監太尉領司徒侍中如故義宣聞之即時起兵徵聚甲卒傳檄遠近會世祖入討義宣遣參軍徐遺寶率衆三千助爲前鋒

劉韞長沙王道憐之孫爲宣城太守晉安王子歆爲亂大衆屯據鵲尾攻逼宣城于時四方牧守莫不同逆惟韞棄郡赴朝廷太宗嘉其誠以爲黃門郎太子中庶子侍中

劉襲長沙王道憐之孫爲安城太守晉安王子歆爲逆襲據郡拒之勛遣軍攻圍不能下太宗嘉之以爲鄧州刺史封建陽縣侯食邑五百戶

南齊豫章王疑嘗謂世祖曰古來言願陛下壽等南山或稱萬歲此殆近貌言如臣所懷實願陛下極壽百年亦足矣帝曰百年復何可得止得東西一百於事亦濟

南康縣侯子恪建武中遷輔國將軍吳郡太守及司

馬王敬則於會稽舉兵反奉子恪爲名明帝悉召子恪子弟親從七十餘人入西省至夜當害之會子恪棄郡奔歸是日亦至明帝乃止以子恪爲太子中庶子
梁長沙元王弟藻出爲使持節督南徐州刺史侯景亂藻遣長子或率兵入援及城開加散騎嘗侍大將軍景遣其儀同蕭邕代之據京口藻因感氣疾不自療或勸奔江北藻曰吾國之台鉉任寄特隆既不能誅剪逆賊正當同死朝廷安能投身異類欲保餘生因不食累日薨

尋陽王大心爲郢州刺史大同七年徵爲侍中蕙石頭戍軍事太清元年爲雲麾將軍江州刺史二年侯景寇京邑大心招集士卒遠近之衆至數萬與上流諸軍赴援宮闕三年城陷上平侯蕭韶南奔宣密詔加散騎嘗侍進號平南將軍

南郡王大連太清元年出爲使持節輕車將軍東揚州刺史侯景入寇京都大連率衆四萬來赴及臺城沒援軍散復歸揚州

河東王譽爲南中郎將湘州刺史未幾侯景寇京邑譽率軍入援至青草湖臺城沒有詔班師

南浦侯淮安城王秀子也侯景之亂守東府城陷握節死之

邵陵王綸太清二年侯景反既陷東府城綸率四豐公大春新塗將軍永安侯確趙武將軍安南鄉侯駿前譙州刺史趙伯超武州刺史蕭弄璋步兵較尉尹思何等馬步三萬發自京口直據鍾山景黨大駭具船舟咸欲逃散分遣萬餘人距綸綸擊大破之斬首千餘級旦日景復陳兵覆舟山北綸亦列陣以待之景不進相持會日暮景引軍還安南鄉侯駿率數十騎挑之景回軍與戰駿退時趙伯超陳於玄武湖北

見駿急不赴乃率軍前走衆軍因亂遂敗績綸奔京口賊盡獲輜重噐甲斬首數百級生俘千餘人景既攻臺城綸與臨成公大連等自東道集于南岸荊州刺史湘東王遣世子方等兼司馬吳畢天門太守樊文皎下赴京師營于湘子岸前高州刺史李廷任前司州刺史羊鴉仁又率兵繼至既而鄱陽世嗣永安侯確羊鴉仁李廷任樊文皎率衆渡淮攻賊東府城前柵破之遂結營于青溪水東景遣其儀同宋子仙頓南平王第緣水西立柵相拒景食稍盡至是米斛數十萬人相食者十五六初援兵北岸百姓扶老携幼

以侯王師總得過淮便競剽掠賊黨有欲自拔者聞之咸止邵陵攜王綸子確爲太子舍人鍾山之役若戰所向披靡及侯景乞盟憚確在外慮爲後患啟求召確入城詔乃召確爲南中郎將廣州刺史確知此盟多貳城必淪沒因欲南奔攜王聞之逼確使入確猶不肯攜王流涕謂曰汝欲反邪時臺使周石珍在坐確謂石珍曰侯景雖云欲去而不解長圍以意而推其事可見今召我入未見益也石珍曰勅旨如此侯豈得辭確執意猶堅攜王大怒謂趙伯超曰譙州卿爲我斬之當齎首赴闕伯超揮刃盼曰我識君耳

刀豈識君確於是流涕而出遂入城及景背盟復圍城城陷確排闥而入啓高祖曰城已陷矣高祖曰猶可一戰不對曰不可臣向親格戰勢不能禁自縊下城僅得至此高祖歎曰自我得之自我失之亦復何恨乃使確爲慰勞文確既出見景景愛其膂力嘗令在左右先是攜王遣人密導確確出謂使者曰侯景輕佻可一夫力致確不惜死正欲手刃之但未得其便耳卿還啓家王願勿以爲念也事未遂而爲賊所害

山桑侯會理南康簡王績之子太清二年侯景圍京邑會治嚴將入援會北徐州刺史封山侯正表將應

其兄正德外託赴援實謀襲廣陵會理擊破之方得
進路臺城隔侯景遣前臨江太守董紹先以高祖手
勅召會理其僚佐咸勸距之會理曰諸君心事與我
不同天子年尊受制賊虜今有手勅召我入朝臣子
之心豈得違背且遠處江北功業難成不若身赴京
都圖之肘腋吾計決矣遂席卷而行以誠輸紹先至
京景以爲侍中司空兼尚書令雖在寇手每思興復
與西鄉侯歡等布心腹要結壯士時范陽祖皓斬董
紹先據廣陵城起義期于會理爲內應皓敗狀辭相
連及景矯詔免會理官猶以白衣領尚書令是冬景

往晉熙京師虛弱會理復與柳敬禮謀之曰舉大事
必有所資今無寸兵安可以動會理曰湖熟有吾舊
兵三千餘人昨來相知尅期響集聽吾日定便至京
師計賊守兵不過千人耳若大兵外攻吾等內應直
取王偉事必有成縱景後歸無能爲也敬禮曰善因
贊成之于時百姓厭賊咸思用命自丹陽至于京口
靡不同之後事不果與建安侯通理並遇害

建安侯通理南康簡王績之次子也太清中侯景內
寇聚賓客數百輕裝赴南兗州隨兄會理入援嘗親
當矢石爲士卒先及城陷又隨會理還廣陵因入齊

爲質乞師行日會侯景遣董紹先據廣陵遂追會理
因爲所獲紹先防之甚嚴不得與兄弟相見乃僞請
光還京得入辭母謂其姊安固公主曰事既如此豈
可合家受斃兄若至願爲言之善爲計自免勿賜以
爲念也家國阽危雖死非恨前途亦思立效未知天
命如何耳至京以魏降大元貞立節忠正可以託孤
乃以玉柄扇贈之貞怪其故不受通理曰後當見憶
幸勿推辭會祖皓起兵通理奔長蘆收軍得千餘人
其左右有應賊者因隔劫會理其衆遂駭散爲景所
害時年二十一元貞始悟其前意往收葬焉

劉陽公大雅簡文公之子也太清三年京城陷賊已
乘城大雅猶命左右格戰賊至漸衆乃自縊而下因
發憤感疾薨時年十七忠壯世子方等少聰敏有俊
才初高祖欲見諸王長子世祖遣方等入侍方等欣
然升舟免憂辱行至繇水值侯景亂世祖召之方
等啓曰昔申生不愛其死方等豈顧其生世祖省書
歎息知無還意乃配步騎一萬使援京都賊每來攻
方等必身當矢石宮城陷方等歸荊州收集士馬甚
得衆和世祖始歎其能方等又勸修築城柵以備不
虞既成樓雉相望周回七十餘里世祖觀之甚悅河

東王爲湘州刺史不受都府之令方等乃乞征之世祖許焉拜爲都督令帥精卒二萬南討方等臨行謂所親曰吾此段出征必死無二死而獲所吾豈愛生及至麻河溪河東王率軍逆戰方等擊之軍敗遂溺死時年二十二

宜豐侯脩爲梁秦二州刺史時兄嗣鄱陽王範在湓城頗有異論武陵王大生疑防流言噂啗脩深自分釋求送質子并請助防武陵王乃遣從事中郎蕭固諮以當世之事且觀脩意脩涕泣爲言忠臣孝子之節王敬納之故終修之時不爲不義一夕忽有狗

脩所卧床而卧脩曰此其戎乎因大脩城壘承聖元年魏將達奚武來攻脩遣記室參軍劉璠至益州求救於武陵王紀紀遣將楊乾運援之拜脩隋郡王璠還至嶠嶮乃降于魏乾運班師璠至城下說城中降魏脩數之曰卿不能死節反爲說客邪命射之聞信遣至荆州元帝遣與相聞脩遣諮議虞蕃致武牛酒武謂曰梁已爲侯景所敗王何爲守此孤城修荅守之以死誓爲斷頭將軍

陳長沙王叔堅始興王叔陵弟也宣帝弟豫叔堅陵等並從後主侍疾叔陵陰有異志乃命典藥吏曰切

藥刀甚銳可礪之及宣帝不諱倉卒之際又命其左右於外取劍左右弗悟乃取朝所服佩木劍以進叔陵怒叔堅在側聞之疑有變伺其所爲及翌日小飲叔陵哀剗藥刀進斫後主中項後主乳母樂安吳俱以身捍之獲免叔堅自後扼叔陵擒之并奪其刀將殺之問後主曰郎盡之爲待也後主不能對叔陵舊多力湏臾奮得脫出雲龍門入於東府城兵敗走趨新林蕭摩訶追斬之

岳陽王叔慎禎明元年出爲持節都督湘衡桂武四州諸軍事智武將軍湘州刺史三年隋師濟江破臺城前刺史晉熙王叔文巴州刺史畢寶荊州刺史陳紀並降隋行軍元帥清河公楊素兵下荆門別遣其將龐暉將兵略地南至湘州城內將士莫有固志克日請降叔慎乃置酒會文武僚吏酒酣叔慎歎曰君臣之義盡於此乎長史謝基伏而流涕湘州助防遂興侯正理在坐乃起曰主辱臣死諸君獨非陳國之臣乎今天下有難寔是致命之秋也縱其無成猶見臣節青門之外有死不能今日之機不可猶豫後應者斬衆咸許諾乃殺牲結盟仍遣入許奉降書於龐暉信之克期而入叔慎伏甲待之暉令數百人屯於

城門自將左右數十人入于廳事俄而仗兵發縛暉
之以徇盡擒其黨皆斬之叔慎坐於射堂招合士衆
數日之中兵至五千人衡陽太守樊通武州太守鄔
君業皆請赴難未至隋遣中牟公薛胄爲湘州刺史
聞麗暉死乃益兵隋又遣行軍總管劉仁思救之未
至薛胄兵次鵝羊山叔慎遣正理及樊通拒之因大
合戰自旦至于日昃隋軍迭息而正理兵少不敵於
是大敗胄乘勝入城生擒叔慎是時鄔君業率其衆
自武州來赴出橫橋江聞叔慎敗績乃頓于新康口
隋總管劉仁思兵亦至橫橋據水置營相持信宿因
合戰君業又敗仁思虜叔慎正理君業及其黨與
餘人秦王斬之于漢口叔慎時年十八

册府元龜卷終

